



Corte a declara apelacion di Natura Development inadmisibel pa motibo di retraso



Pagina 3

- **Falta den capacidad ta keda un obstaculo grandi den maneho financiero di Aruba**

Pagina 2

- **Corsou ta busca un voz Caribense mas fuerte ora asamblea di Parlatino reuni na Panama**

Pagina 8

- **Trahador y estudiante Venezolano a protesta atrobe pa miho salario**

Pagina 10

Sigfried “Siki”
Koolman ta insisti
cu e ta inocente:
Defensa a pidi pa
scucha testigo
adicional



Pagina 4



Pagina 18

G7 ta reuni cu speransa
di sana diferencia riba
Iran entre aliadonan
transatlantico

‘Centronan di retorno’
pa migrante ta
haya aprobacion di
Parlamento Europeo



Pagina 23


OP=OP
% TUI DEALS
AMSTERDAM
BIAHE IDA I BUELTA FOR DI
AWG 1558,-
pa persona



E preis menshoná ta un preis di komienso di un biahe ida i buelta pa persona eksuyendo gastunan di reservashon, i ta reservá di kambionan di preis i eronan di imprenta.

Skén e QR-code pa e oferta aki

Falta den capacidad ta keda un obstaculo grandi den maneho financiero di Aruba

Recientemente a tuma luga un reunion den parlamento unda minister di Finanzas, Asunto Economico y Sector Primario Geoffrey Wever a duna un actualisacion tocante e trabaonan andando den e maneho financiero di Aruba. El a splica cu ta importante pa informa parlamento y pueblo di tur loke ta den proceso mientras tambe ta tuma e oportunidad di contesta cualkier pregunta cu por surgi.

Aruba tin e tarea di haci cierto reforma structural cu ta detaya den landspakket y parti di esaki ta tema A, unda ta trata finanzas publico y di acuerdo cu esaki a duna informacion amplio tocante e trabaonan andando pa cu e implementacion di Three Lines Model,

cual ta un parti clave ora ta papia di ehecuto Landspakket Tema A.

Durante e reunion, e minister a menciona y splica varios diferente punto di interes publico. El a splica cu entre otro a haci un 'nulmeting' unda a duna mas di 300 recomendacion di con pa mehora e facilidad cu cual por controla e cuenta anual di Aruba, cual ta un topico algo controversial, pa motibo cu manera ta conoci e cuenta anual di Aruba tabatin un retraso sumamente grandi, aunke e minister a detaya cu trabao a cuminsa cana inmediatamente y awo tur jaarrekening te cu 2024 ta entrega.

Segun e ta splica, e plan ta cu lo entrega e jaarrekening di 2025 na tempo conhuntamente cu e presupuesto pa

2027 y asina cuminsa cumpli cu loke ley ta stipula.

Mirando cu organizacion di gobierno ainda no tin henter e capacidad di controla e jaarrekening a dicidi di yega na un solucion temporal y esaki ta parti di landspakket, e minister a splica cu trata di "cosnan cu nos a palabra cu Hulanda y na mei a cuminsa cu e proceso di destaho pa yega na accountant externo pa haci e trabao aki.

A haya reaccion di mas o menos 8 compania y aworaki ta den e ronda final di yega na e accountant externo cu e ora lo controla e jaarrekening, cual ta prepara pa e departamento di finanzas y na momento cu e cambio di ley drenta na vigor y e accountant ta scogi, nan lo cuminsa di biaha cu controle durante e aña pa ora



cu e aña sera nan por haci nan trabao final, pa asina por entrega e jaarrekening cu un control aproba."

"E focus all around ta di haya un goedkeurende jaarrekening y esaki ta rekeri un dedicacion. E idea ta pa bo confia riba locual ta presenta y cu tur locual cu ser haci ta na un forma rechtmatig. Paso atrobe bo por tin tur procesonan aki in place pero bo mester make sure tambe cu e alocacion y e uso di e fondonan ta bay segun nos reglanan y nos procesonan," e mandatario a declara.

Esaki no ta algo facil y segun e mandatario no ta un garantia cu lo ricibi e 'goedkeurende verklaring' pero si "ta trahando pa purba di logra esaki." Segun el a informa, a haci un

inversion substancial den e cadena di e pilar financiero di 4 milyon florin adicional pa 2026 "pa personal y pa loke ta goederen en diensten, paso ta necesario pa cumpli cu tur e metanan cu nos a impone riba nos mes."

Pa loke ta trata e implementacion di Three Lines Model, e minister a splica cu esaki ta un representacion di e paso structural den direccion di e modernisacion di gobierno, cu un enfoke riba e responsabilidad y control efectivo ademas di transparencia riba e procesonan financiero.

Den siguiente edicionnan di Bon Dia Aruba, lo drenta den mas detaye tocante e Three Lines Model y e progreso cu a logra haci te cu awo pa cu esaki.

Fridays from 5pm to 7pm

HAPPY HOUR

50% OFF ON DRINKS & TAPAS

The Birdie
CLUB HOUSE RESTAURANT

TIERRA DEL SOL
RESTAURANT

586-7800 ext. 231 or 242 | tdsba1@iberostar.com
opentable.com/thebirdie
tierradelsol.com

**NO CUMpra
ADOPTA!**

BONDIA
ARUBA

Corte a declara apelacion di Natura Development inadmisibel pa motibo di retraso

Corte den Prome Instancia di Aruba a dicta un sentencia den cual ta indica cu un apelacion entrega door di Natura Development N.V., den un disputa tocante permiso di desaroyo di costa, ta inadmisibel debi na cu a entreg'e despues di e fecha legal.

E sentencia, duna dia 25 di maart 2026, ta conclui un fase procedural den un caso andando cu ta involucra e compania, minister responsabel pa conservacion di naturalesa, y Aruba Birdlife Conservation (ABC) como un tercer partido interesa.

E caso ta concerni decisionnan administrativo relaciona cu trabaonan plania na costa banda di e hotel Embassy Suites, opera pa Natura Development N.V. Segun e documentonan di corte, e compania a busca pa realisa actividadnan cu ta encera e hisamento y stabilisacion di e fondo di lama y construccion di un area di playa den awanan situa dilanti e hotel.

Dia 16 di juni 2023, minister encarga cu conservacion di naturalesa a otorga un permiso pa e trabaonan aki, bao di cierto condicionnan. Ademas di e permiso aki, e compania mester a haya un exoneracion bao di e regulacionnan di proteccion di naturalesa di Aruba. E exoneracionnan ey ta necesario ora actividadnan por afecta areanan natural of especienan proteha. Dia 18 di juli 2023, Natura Development a entrega un peticion pa e exoneracion aki.

Ora no a emiti ningun decision formal dentro di e plaso aplicabel, e ausencia di un contesta a ser trata bao di e ley como un “negacion ficticio.” Natura Development a presenta un obhecion contra e decision implicito aki riba 19 di october 2023.

E historia di procedemento di e caso ta inclui varios fase di revision administrativo y hudicial. Na dado momento, corte a anula un nengamento ficticio y a instrui e minister pa emiti un decision formal dentro di tres luna. Despues, un otro decision riba e obhecion tambe a ser poni un banda door di corte, atrobe cu instruccion pa e minister reconsidera e asunto y emiti un decision nobo di acuerdo cu e conclusionnan di corte.



Siguiendo e decisionnan anterior aki, e minister a emiti un decision nobo dia 27 di maart 2025. Den e decision ey, e obhecion presenta pa Natura Development a ser declara un biha mas infunda. E decision aki a bira e tema di e apelacion atendi den e sentencia di maart 2026.

Natura Development a presenta su apelacion contra e decision di 27 di maart 2025 riba 9 di mei 2025. Corte mester a evalua si e apelacion a ser entrega den e periodo legalmente prescribi. Bao di e Landsverordening administratieve rechtspraak (Lar), e ley aplicabel cu ta regla procedemento administrativo na Aruba, un apelacion mester ser entrega dentro di seis siman for di e fecha cu e decision ta ser impugnada.

Corte a establece cu e decision riba e obhecion tabata fecha 27 di maart 2025. Di acuerdo cu ley, e periodo di seis siman di apelacion a cuminsa dia 28 di maart 2025, e dia despues di e fecha di e decision. Corte a calcula cu e periodo aki a caduca dia 8 di mei 2025.

Como cu e apelacion a ser entrega dia 9 di mei 2025, el a ser entrega un dia despues di e fecha limite. Corte a analisa si tabatin motibo pa considera e retraso hustificable segun ley.

Natura Development a argumenta cu e apelacion mester ser considera oportuno paso-

bra su representante huridico a ricibi e decision via e-mail dia 27 di maart 2025 pa 18:25, despues di orario di oficina. Di acuerdo cu e compania, el a bin na altura di e contenido di e decision dia 28 di maart 2025. A base di e rasonamento aki, e compania a sostene cu mester trata 28 di maart como e punto di salida pa calcula e periodo di apelacion.

E compania a referi tambe na e circunstancianan riba e fecha cu e decision a keda emiti. Riba 27 di maart 2025, Gabinete Wever-Croes II a tuma su retiro. Natura Development a argumenta cu esaki a crea incertidumbre pa loke ta trata e validez huridico di e decision y cu a busca aclaracion cerca e minister entrante prome cu sigui.

Corte a rechasa tur dos argumento. El a sostene cu, bao di articulo 27 di e Lar, e periodo di apelacion ta cuminsa riba e dia siguiente na e fecha riba cual e decision ta ser emiti, no e fecha riba cual e ta ser ricibi of revisa. Corte a señala mas aleu cu e decision a ser manda pa e representante legal di e compania riba e mesun dia cu el a ser emiti, loke ta nifica cu e compania tabatin notificacion na tempo di e decision.

Den relacion cu e contexto politico, corte a reconoce cu e retiro di e gabinete a sucede riba e mesun dia cu e decision. Sinembargo, a haya cu e circunstancia aki no a hustifica pa perde e fecha limite le-

gal. Corte a declara cu Natura Development por a entrega un apelacion provisional of “pro forma” dentro di e periodo di seis siman pa conserva su derechonan mientras ta warda riba aclaracion.

Corte tambe a referi na normanan legal aplicabel pa loke ta trata entregamento laat. Bao di articulo 28 di e Lar, un apelacion entrega despues di e fecha limite mester ser declara inadmisibel a menos cu e retraso no por ser atribui rasonablemente na e apelante. Corte a conclui cu e excepcion aki no tabata conta den e caso presente.

Den su rasonamento, corte a cita jurisprudencia relevante, incluyendo un decision di Corte Comun di Husticia di 25 di juni 2025, cu a aclarar e circunstancianan bao di cual un retraso por ser considera hustificable. Di acuerdo cu e precedente ey, un retraso por ser disculpa si un partido no por tabata na altura di e decision na tempo of si e decision a ser comunica solamente despues cu e periodo di apelacion a caduca pa gran parti. Corte a haya cu niun di dos condicion a ser cumpli den e caso aki, como cu Natura Development a keda informa di e decision riba e dia cu el a sali.

Corte a detaya mas aleu e calculacion di e periodo di apelacion. El a señala cu e periodo di seis siman ta consisti di 42 dia y a provee un desglose di e simannan for di 28 di maart

2025 te cu 8 di mei 2025. A base di e calculacion aki, 8 di mei 2025 a ser identifica como e ultimo dia riba cual por a entrega un apelacion.

Corte tambe a atende un argumento di Natura Development cu e periodo di apelacion mester ser calcula diferente a base di jurisprudencia anterior. E compania a referi na un decision di 2024 cu ta sugeri cu no mester tene un retraso contra un apelante si e apelacion ta ser presenta dentro di seis siman di e dia siguiente na e fecha riba cual e decision a ser ricibi. Corte a señala cu e acercamento aki a ser reconsidera den jurisprudencia despues y no tabata aplicabel den e caso presente.

Adicionalmente, Natura Development a argumenta cu el a actua cu cautela door di busca aclaracion tocante e validez di e decision prome cu entrega un apelacion. Corte a reconoce e splicacion aki pero a conclui cu e no ta constitui un motibo valido pa perde e fecha limite. Segun corte, lo tabata rasonabel pa e compania entrega un apelacion na tempo mientras ta sigui busca aclaracion.

A base di e resultadonan aki, corte a dicta cu e apelacion no tabata admisibel. Esaki ta nifica cu corte no a sigui pa analisa e asuntonan substancial relaciona cu e permiso, e exoneracion pidi, of e aspectonan ambiental di e caso.

E decision ta laga na vigor e decision di e minister di 27 di maart 2025, den cual e obhecion presenta pa Natura Development a keda declara infunda.

E sentencia ta señala tambe cu partidonan tin e opcion pa entrega un apelacion mas haltu na Corte Comun di Husticia dentro di seis siman di e fecha di e sentencia. Un apelacion asina mester wordo entrega pa medio di e corte cu a saca e decision.

E caso ta ilustra e aplicacion di reglanan di procedemento bao di cuadro di ley administrativo di Aruba, particularmente esnan cu ta regla fechanan limite pa entrega apelacion. E decision di corte ta basa solamente riba e tempo di e apelacion y no ta atende e disputa profundo tocante desaroyo di costa of permiso di medio ambiente.

Sigfried “Siki” Koolman ta insisti cu e ta inocente: Defensa a pidi pa scucha testigo adicional

Na october aña pasa Sigfried “Siki” Koolman a ser sentencia na 10 aña di prison pa, entre otro, abuso sexual di menor, posesion di pornografia infantil y posesion ilegal di arma. Koolman y su ekipo di defensa a apela e sentencia aki. Durante un sesion ayera den Corte di Apelacion, Koolman y su abogado a haci peticion na huesnan pa nan scucha un testigo adicional cu, segun nan, por cambia e curso di e caso.

Segun un portal di noticia local, abogado di Koolman, Sr. Rosenstand, a splica cu e testigo cu nan kier presenta no a ser scucha durante e proceso inicial, pero tin informacion cu ta contradeci elementonan importante di e acusacion.

Defensa di Koolman a argumenta cu derecho di un acusado pa un proceso husto ta inclui e oportunidad pa presenta tur testimonio relevante, y cu omiti e testigo aki por a afecta e resultado final.

E peticion pa scucha un testigo adicional ta hopi biaha un paso clave den preparacion pa apelacion. Si corte acepta, por tin audiencia nobo unda e testimonio lo ser evalua y posiblemente integra den e caso. Si corte rechasa e peticion, defensa ainda tin opcion pa sigui dilanti cu un apelacion formal, presentando argumento cu e falta di e testimonio a constitui un error den e proceso.

Apelacion no ta un proceso automatico pa haci henter e caso di nobo, pero mas bien un revision di si e procedimiento legal a ser sigui correctamente y si e evidencia ta sostene e condena. Sinembargo, ora tin reclamo cu evidencia importante no a ser considera, esaki por tin efecto den decision di corte superior. Den e caso di Koolman, e enfasis riba e testigo nobo ta muestra cu defensa ta basa gran parti di su strategia riba e punto aki.

Otro punto cu e abogado a trece dilanti ta e declaracion di e menor di edad cu a bay Hulanda, unda el a bisa na Polis cu su prome relacion sexual tabata prome cu su 16 aña. Segun Rosenstand, ni polis di Hulanda ni esunnan di Aruba no a investiga e asunto di forma corecto. El a

indica cu niun no a puntra e persona cu e menor di edad a tene su prome relacion sexual cune, tocante edad ni otro circunstancia.

Segun e portal di noticia local a señala, defensa di Koolman a indica cu e declaracionnan di e menornan di edad no ta cuadra cu berdad y a hasta pidi pa un psicologo evalua un di e denunciantenan pa determina si e declaracionnan ta berdad of no. Segun e, por lo menos un di e hobennan por a ser presiona pa “papia berdad” y pa menciona nombernan, cu menasa manera “si no, bo ta bay na bo madrastra”. Esaki, segun e defensa, ta esencial pa yega na e berdad.

Finalmente, e abogado ta pone den duda e exactitud di e declaracionnan, mientras cu corte mester tuma un decision riba si lo bay di acuerdo cu e peticionnan presenta. E atencion publico avor ta dirigi riba loke lo pasa despues. Si corte concede e peticion, esaki por habri porta pa un evaluacion nobo di cierto evidencia.

E caso

Koolman a enfrente ocho acusacion en total. E investigacion contra Koolman a inicia despues cu e abuso contra e victima R. a bira conoci ora cu su stiefmoeder a topa un mensahe sospechoso den su telefon. E abuso di e otro victima, W. a bira conoci pasobra R. mes a conta di e abuso di W.

Segun declaracionnan, Koolman tabata un figura familiar den bario. El a traha na aeropuerto y pa ex-prome minister di Aruba. E tabata biba den un trailer cu tabata caminda e victimanan tabata bay pa usa

wi-fi y wak television. Tur cos tabata muestra normal, pero tras di esaki tabata tuma luga abuso cu a marca e victimanan y nan famia pa resto di nan bida.

Victima R., kende ta e victima principal, a indica cu e abuso a cuminsa tempo cu e tabatin cinco aña di edad. El conta cu Koolman a cuminsa mishi cune na su parti intimo y pecho, cu y sin paña y poco poco el a cuminsa bay mas leu te ora cu tempo e tabatin siete aña, penetracion sexual a tuma luga. Esaki a sigui te ora el a cumpli 13 aña.

R. a indica cu e no tabata durf bisa nada na su mayornan pasobra e tabatin miedo cu si e bisa algo, Koolman lo haci algo malo na su mama.

No solamente R. tabata victima di Koolman, pero su amiga, W., tambe a conta cu abuso contra dje a cuminsa tempo cu e tabatin ocho of nueve aña.

Segun su declaracion, Koolman a haci “tur cos” cu e dos mucha. Den un relato impactante, W. a bisa cu ora Koolman tabata tene relacion sexual cune, R. mester a tene su mannan pa yud’e soporta e dolor.

Pa loke ta e otro acusacion, posesion di pornografia infantil, polis a descubri un link di pornografia infantil den telefon di Koolman. Koolman a insisti cu e nunca a busca ni cumpra tal material, solamente pornografia di adulto. Segun su splicacion, el a ricibi un link, pero no a logra habrie, y nunca a mira kico e tabata. No obstante, polis a haya material pornografico infantil y tambe potret y video intimo di victima R. tambe den su posesion, loke



a reforsa e acusacion di posesion ilegal di material explicito cu menor di edad.

Polis tambe a descubri seis arma di candela den cas di Koolman. Aunke e tabata miembro di un club di tiro, por lo menos un arma no tabata registra na su nomber. Segun fiscal, manera cu e arma tabata ser warda tampoco no tabata sigur, y esey a pone e menornan di edad den peligro. Victima R. mes a conta cu el a haya arma den trailer y a traha video cune.

Abogado Rosenstand a ataca e testimonio di e victimanan y nan famia. Segun e, hopi parti no ta consistente, victimanan supuestamente tabata inventa of exagera, y nan relato no ta identico. El a trece dilanti cu stiefmoeder di R.

supuestamente a bisa cu R. tabata sexualmente activo y cu tabatin hopi problema familiar pa motibo di un amigo nobo cada siman.

Despues di repasa e caso, hues a declara den su veredicto cu tin suficiente prueba pa sostene cu e acto di abuso efectivamente a tuma luga durante un periodo largo, y cu e daño sexual y mental ta profundo. El a remarca cu e declaracion di e victimanan ta similar y consistente den e detayenan cu ambos victima a trece dilanti.

Hues a enfatisa cu Koolman no a pensa riba e daño cu e lo causa na e dos victimanan y a pensa riba mes. Pa motibo di su actonan e victimanan a keda marca pa bida y lo mester continua busca ayuda y tratamiento pa mancha e trauma.

Adicionalmente hues a señala cu un di e victimanan, R., ta den tratamiento psicologico intensivo y ainda ta sufri di pesadiya pa motibo di e trauma cu el a biba.

Mirando e gravedad di e caso, hues a sigui e peticion di Ministerio Publico y a impone un castigo di 10 aña di prison, kitando loke el a sinta caba. Adicionalmente e peticion pa compensacion pa daño y perhuicio entrega pa famia di ambos victima tambe a ser aproba pa hues.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Francis Dirks

Colaboracion

Agence France Press
Ret Karibense
Data Key

Afiliacion

Sociedad Interamerica
di Prensa (SIP)


DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Cirugia Robotico



Mundo ta cambiando rapidamente.
Nos ta wak esaki den casi tur area di
nos bida diario. Fo'i AI potente, pa
robot antonimo cu por haci varios
trabao, nos tur ta sinti cambio ta
biniendo mas y mas rapido. Un area
unda e promesa di AI & Robotica
ta sumamente grandi ta den veld di
medicina.

Un presion inmenso, di un poblacion
embeheciendo, gasto medico subiendo,
y lista di espera mas y mas largo, ta in-
dicando cu mester cuminsa pensa "out-
side the box" pa resolve e problemanan
aki den un manera socialmente accept-
able. Aunke pa hopi e siguiente lo zona
manera un episodio di "Star Trek", esta
Cirugia Robotico, pa varios lugar na
mundo e parti "Star Trek" aki no ta nada
nobo.

Den e articulo aki nos lo duna un re-
sumen breve over cirugia robotico, y
splica dicon esaki ta bay bira un parti
cardinal di futuro medico rond mundo,
y tambe di Aruba.

Kico ta Cirugia Robotico?

Nos tur conoce ciruhano medico hu-
mano, pa hopi especialista na Aruba, e ta
costa mas cu 13 aña di estudio pa bira un
ciruhano. Y te hasta asina, como hende,
foutnan medico ta surgi, simplemente
pasobra un ser humano tin cierto limiten-
enan cu no por wordo surpasa.

Cirugia Robotico awendia ta unda tin
un robot ultra-precies cu por haci ciru-
gia "minimally invasive", pero cu te ain-
da ta bao control di un ciruhano hu-
mano. Door cu e hermentnan robotico
ta hopi mas precies y fini, por haci op-

eracionnan cu un minimo cortamento.
En teoria esaki lo cumbini un pacient
hopi, door cu lo tin menos chens riba
complicacion, perdida di sanger, y me-
nos dia den hospital. Esaki lo traduci su
mes den menos sufrimento humano, y
menos gastonan pa e sistemanan social
di salubridad.

Mas cu 12 aña caba di data


Recientemente na 2024, a keda publica
un meta-analisis grandi, unda 12 aña di
data di mas di 230 estudio a compara
cirugia robotico cu esun di un cirugia
humano, pa operacionnan oncologico.

(Hentere estudio y tur su detayenan por
wordo lesa via e siguiente citation: Ric-
ciardi R, Seshadri-Kreaden The COM-
PARE Study: Comparing Perioperative
Outcomes of Oncologic Minimally In-
vasive Laparoscopic, da Vinci Robotic,
and Open Procedures: A Systematic Re-
view and Meta-analysis of the Evidence.
Ann Surg. 2025 May 1;281(5):748-763.
doi: 10.1097/SLA.0000000000006572.)

Compara cu cirugia regular (open sur-
gery), e uso di cirugia robotico a resulta
den 44% menos complicacion medico.
Tambe pacientnan tawata tin 21% menos
chens di mester transfusion di sanger, y
finalmente tabata keda 1.9 dia menos
largo den hospital. Dus pa e grupo di
pacientnan oncologico aki nos ta wak cu
siguramente por tin beneficianan sig-
nificante cu bastante data su cientifico
su tras.

**Star Trek: Cirugia Robotico com-
pletamente autonomo**

Na juli 2025, e hospital renombra



Americano John Hopkins a publica re-
sultado di un experimento unda un ro-
bot cirurgico a saca un galblaas for di un
porco. Kico ta haci esaki remarcabel cu
esaki a wordo haci completamente au-
tomatisa, sin ningun ayudo di un ser
humano.

(Por lesa mas di esaki den e siguiente
press release: Robot performs first re-
alistic surgery without human help |
Hub)

Segun publicacionnan den por ehempel
Science, ta indica cu un robot cirurgico
por wordo getrain riba miyones di vid-
eonan cirurgico, y cu esaki lo dura sola-
mente un par di siman pa luna. Com-
para esaki cu 13 aña pa train un ciruhano
humano y nos por wak varios bentaha.

Combina esaki cu e data di menos com-
plicacionnan medico, y tambe cu robot-
ica & AI ta sigui avansa mas y mas lihe,
e ta solamente un cuestion di tempo,
pa ora cu cirugia wordo automatisa por
completo, cual lo tin beneficianan in-
menso pa sociedad henter.

Bijles 1op1 cu Simon Waslander **Te cu MAVO 4**
Exacte vakken Economie Geschiedenis.
Pa mas info yama na T. 744-8663 of Email: Simonwaslander@gmail.com

AWA

MINI MEGA

MEGA PLUS

Awo cu 2 florin mas, bo por gana e

*** Afl. 625.000,-**

*** Afl. 400.000,- + Afl. 225.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

f

X

ig

yt

loto

Minister Geoffrey Wever a entrega e ley pa crea Fondo di Inversion na Parlamento

Minister di Finanzas, Asunto Economico y Sector Primario, mr. Geoffrey Wever (Futuro), ta anuncia cu diabierna ultimo a haci entrega oficial na Presidente di Parlamento di Aruba e concepto di ley pa crea un Fondo di Inversion pa Aruba, incluyendo e “Nader Rapport”.

Despues cu Gobierno a prepara e ley pa crea e Fondo di Inversion a mand’e pa conseho di Raad van Advies riba e concepto di ley, y despues cu Gobierno di Aruba a ricibi e conseho di Raad van Advies Gobierno a traha e “Nader Rapport”, cu diabierna ultimo a keda cla y a wordo entrega na Presidente di Parlamento Sr. Marlon Sneek.



Parlamento awo lo por studia e ley pa crea e Fondo di Inversion y haci pregunta por escrito na Gobierno cu mester wordo contesta door di Gobierno, pa despues Presidente di Parlamento por pone un

fecha pa e ley pa crea e Fondo di Inversion por wordo trata den Parlamento di Aruba. Gabinete AVP-FUTURO ta cumpli cu e creacion di un Fondo di Desaroyo manera palabra den e Programa di

Gobernacion 2025- 2028.

Articulo 39 di Ley di Comptabilidad ta prescribi cu un “begrotingsfonds” ta wordo crea via un ley. E Fondo di Inversion ta un instrumento di maneho di gobierno pa cada aña pone e sumanan publico disponibel y inverti esakinan na beneficio di Aruba su desaroyo.

Como instrumento di maneho e Fondo di Inversion lo facilita inversionnan di gobierno. Areanan di prioridad ta entre otro inversionnan den embeyecemento di tur districtonan, enseñanza, centro di Oranjestad y San Nicolas y vecindario, casnan social y pa adultonan mayor, transicion di energia y desaroyo di

tereno di e ex- refineria.

Gobierno tin dos rol importante den desaroyo di Aruba. Banda di facilita e condicionnan necesario pa stimula inversionnan di sector priva, gobierno tambe tin cu duna contenido concreto na su rol di haci inversion. Inversion publico crea banda di actividadnan economico ta duna sector priva y inversionistanan internacional e confianza y siguransa necesario pa por sigui inverti den tur sectornan di nos economia. Esaki ta forma parti di e vision y maneho di Gabinete AVP-FUTURO pa duna e beneficio di desaroyo economico back na comunidad.

Minister Wendrick Cicilia: Aruba ta avansa pa un mercado laboral impulsa pa data

Minister di turismo, Transporte y Labor mr. Wendrick Cicilia (AVP) ta anuncia un paso significativo den direccion di modernizacion e mercado laboral di Aruba, enfatisando e importancia di data pa formula maneho cu ta atende tanto e necesidadnan actual como tambe esunnan di futuro.

Den e cuadro aki, Minister Wendrick Cicilia a reuni cu expertonan di Economische Bureau Amsterdam pa coordina e desaroyo di un modelo cu lo pronostica e necesidadnan di mercado laboral

na Aruba. E iniciativa aki ta representa un innovacion significativo den maneho laboral, posicionando Aruba entre e poco teritorionan denter di Reino Hulandes cu tin un herment asina, segun un comunicado di gobierno.

E modelo aki lo centralisa e datonan cu ta distribui actualmente entre varios entidad manera DAO, DPL, DE-ZHI, DSA, DIMAS y SVb, facilitando un bista amplio di e mercado laboral. E herment aki lo haci posibel pa identifica e retonan, anticipa e necesidadnan pa sector y guia miho e forsa laboral den

futuro pa loke ta trata e oportunidadnan existente.

“Pa construi un mercado laboral fuerte, nos mester depende riba datonan concreto. E modelo aki lo permiti nos tuma decisionnan miho informa y prepara miho pa futuro”, asina Minister Wendrick Cicilia a duna di conoce.

E siman aki, e expertonan a reuni cu diferente stakeholder cu a demostra un actitud positivo cu e iniciativa aki. Ta anticipa cu e modelo preliminar aki lo ta cla pa luna di juni.



Anuesca Baly, director di SKOA, a fayece

Ayer mainta a bira conoci e lamentable noticia di fayecimento di Sra. Anuesca Baly, director di SKOA.

Medionan local a reporta cu ultimo temponan Baly tabata luchando cu un malesa cu na

final a cobra su bida. Baly tabata director di SKOA desde 2018, y na su posicion a sa di confronta y surpasa cantidad di reto cu e organizacion.

Ex-alumno y colega di Baly a recorde como un “bon mae-

stro” y “mentor” riba rednan social despues di anuncio di su fayecimento.

Bon Dia Aruba ta manda palabra di condolencia y hopi forsa na famia y sernan keri di Sra. Baly, y cu Anuesca Baly sosega na paz.



DVG cu yamado pa accion contra criadero di sangura



Directie Volksgezondheid (DVG) ta haci un yamado pa accion na tur ciudadano pa tuma responsabilidad inmediato den reduccion di criaderonan di sangura riba nos isla.

Investigacion den barionan rond Aruba ta muestra cu apesar di esfuerso continuo di seccion di GKMB canando cas pa cas educando y concientizando comunidad, ainda ta encontra hopi cas y localidad cu awa para of acumula

innecesariamente. Cada caminda cu awa ta keda para ta un potencial criadero di sangura y un riesgo directo pa bo famia y salud publico.

DVG ta enfatisa cu elimina awa para ta e paso mas urgente y efectivo pa corta e cadena di reproduccion di sangura y reduci e cantidad di sangura adulto cu ta bula rond.

Mirando e situacion regional, unda casonan di Chikungu-

nya y Keintura Geel ta sigui aumenta den paisnan cerca di nos, e nivel di alerta mester subi. Aruba no ta exclui di e riesgo aki.

Ademas, DVG ta urgi comunidad pa conoce y reconoce e sintomanan di Chikungunya y Keintura Geel. Si despues di biahe un persona presenta keintura, dolornan fuerte den curpa, dolor di cabes of otro señal sospechoso, mester busca atencion medico di inmediato y informa tocante su historia di biahe.

DVG ta enfatisa cu prevencion no por wordo posponi. Proteccion di salud publico ta depende di accion inmediato di tur ciudadano.



Kita tur awa para cerca di bo, tuma accion awe.

DVG ta sigui monitorea e situacion di cerca y lo sigui informa comunidad di cualkier desaroyo relevante. Seccion di GKMB ta spuit den

bario unicamente den caso di casonan positivo di malesa transmiti pa sangura. Core rond y spuit manera antes no ta responsable tampoco eficiente y no ta resolve e problema real cu ta cuminsa na e awa cu ta keda para innecesariamente.

Expertonan di EU kier restriccion amplio riba kimiconan duradero

(AFP) - E kimiconan yama "forever chemicals" ta posee un riesgo creciente na salud y medio ambiente y mester ta ampliamente prohibi den e Union Europeo, cu algun excepcion, expertonan a bisa den resultadonan publica diahuebs.

E substancianan, oficialmente yama PFAS, un grupo di mas di 10.000 kimico usa den panchi, mat y otro productonan, hopi biaha ta contaminata cuminda, awa y bida salbahe.

Dos comite di experto di Reino Uni riba diahuebs a publica resultadonan cu ta enfatisa nan efecto y cu a haci yamado pa restriccion amplio riba e substancianan per y polyfluoralkyl.

"PFAS ta posee un riesgo di crecemento na ser humano y medio ambiente. Nan ta altamente persistente, kedando den ambiente pa periodonan largo di tempo, biahando distancia largo, contaminando awa potable y tera, mientras algun ta causa problemanan serio di salud manera cancer y daño na e sistema reproductivo," un di e comite a bisa den un declaracion cu e resultadonan.

E Union Europeo ta anticipa di pone dilanti un proposicion pa prohibi PFAS conoci como "forever chemicals," den productonan diario di consumidor manera paña y caha di pizza, cu exencion pa sectornan strategico manera e veld medico.

ARUBA
Beach Club Resort

since 1977

We Are HIRING!

The Aruba Beach Club Resort is a world-class timeshare resort that, as the first of its kind in the Caribbean, provides Aruban-style excellent service to its members and guests.

Open position:

- **Human Resources Officer**

Key responsibilities:

- Support recruitment, onboarding, and employee relations.
- Assist payroll processing and HR administration.
- Maintain accurate HR records and ensure compliance with labor laws.
- Support daily HR operations and departmental activities.

Requirements:


- Associate Degree in Human Resources, Business Administration, or a related field
- 2-4 years of experience in an HR or Administrative role
- Working knowledge of payroll processes and HR administration
- Familiarity with local labor laws and HR best practices
- Strong organizational, communication, and interpersonal skills
- Ability to work with limited supervision and handle confidential information with discretion.
- Proficiency in Microsoft Office and payroll systems(e.g., Payroll Pro or similar)

Benefits:

- **Attractive Salaries**
- **Year-end Bonus**
- **5-day workweek (40 hours per week)**
- **Life & Health Insurance**
- **Dental & Vision Insurance**
- **Company & Personal savings plan program**

Submit your application, including cover letter and resume, via email to ekock@arubabeachclub.net or personally at our Human Resources office at J.E. Irausquin Blvd. 53, Monday to Friday, from 9:00 am to 3:00 pm. For more information, call us at 524-3016.

Economia Hulandes a crece 1,8% na 2025 y debe di gobierno a pasa €500 biyon pa prome biaha



(Curacaochronicle) - Economia di Hulanda a crece cu 1,8 porciento na 2025, segun un calculacion nobo di Oficina Central di Estadistica (CBS). Ora analisa mas detayadamente, economia a crece un tiki menos cu e 1,9% reporta riba 30 di januari. E agencia di estadistica tambe a informa cu gasto y debe di gobierno Hulandes a pasa €500 biyon pa prome biaha aña pasa.

Crecemento economico di aña pasa tabata mas fuerte cu e aumento di 1,1% di producto interno bruto na 2024. Economia Hulandes a registra crecimiento den tur trimestre di 2025. Segun e calculacion nobo, economia a crece cu 0,5% den ultimo trimestre, compara cu e trimestre anterior. E cifra aki ta igual na calculacion preliminar.

Compara cu un aña prome, economia a crece cu 1,8% den cuarto trimestre. Esaki tambe ta igual na e prome calculacion. Segun CBS, balansa comercial — diferencia entre exportacion y importacion — y consumo pa gobierno y casnan a contribui positivamente na crecimiento economico.

CBS tambe a reporta cu gasto y debe di gobierno Hulandes a pasa €500 biyon pa prome biaha aña pasa. Gasto di gobierno a subi constantemente pa un tempo. Especialmente inversionnan y transferencianan pa paisnan exterior a aumenta fuertemente, parcialmente pa via compra di ekipahe militar.

Den total, gobierno a gasta €529 biyon aña pasa, €32 biyon mas cu aña prome. Casi mita di e cantidad aki a bay na beneficio social y cuido di salud. Gasto a pasa e marca di €400 biyon apenas algun aña pasa, durante periodo di coronavirus.

Debe nacional a muestra un tendencia similar den añanan reciente. Aña pasa, debe a subi te €524 biyon.

Ingreso di gobierno tambe ta sigui crece. Aña pasa, esaki a suma €510 biyon. Ingreso di BTW (IVA) y impuesto riba ganashi di empresa, entre otro, a genera mas placa, mientras ingreso di impuesto riba tabaco a baha.

Segun CBS, gobierno finalmente a gasta €19 biyon mas cu loke el a ricibi aña pasa. Esaki ta coresponde cu un deficit di gobierno di 1,6% di tamaño total di economia. E deficit tabata dos biaha mas halto cu na 2024, pero a keda bao di limite di 3% di Union Europeo.

Crecemento di debe no ta debi solamente na deficit di gobierno, CBS a indica. Den gran parti, esaki ta debi na salida netto di placa pa transaccionnan financiero. Esaki a inclui €12 biyon den prestamo di Estado na operador di sistema di volthahe halto TenneT.

Corsou ta busca un voz Caribense mas fuerte ora asamblea di Parlatino reuni na Panama



(Curacaochronicle) - Mientras preparacionnan ta sigui pa e di 39 Asamblea Ordinario di Parlamento Latino Americano y Caribense (Parlatino) na Panama, Corsou ta posiciona su mes pa fortalece e voz di Caribe den e organismo regional.

Durante reunionnan preparatorio reciente, Corsou a presenta un propuesta pa crea un comision special dedica na asuntonan Caribense. E iniciativa aki ta refleha un reconocimiento creciente cu e region ta enfrentando desafionan distinto cu ta rekeri atencion specifico den discusionnan mas amplio di Latino America.

E asamblea na Panama ta tuma lugha bao di tema di sostenibilidad y cooperacion regional, unda varios comisionnan ta trata temanan manera desaroyo economico, agricultura y gobernacion.

Propuesta di Corsou ta alinea cu esfuersonan actual den Parlatino pa mehora colaboracion y sigura cu teritorionan chikito di Caribe ser representa adecuadamente den formulacion di politica regional.

Un decision riba e comision proponi ta spera despues di discusion durante e asamblea. Si esaki ser implementa, Corsou lo hospeda e prome reunion, fortaleciendo aun mas su rol den cooperacion parlamentario regional.

E paso aki ta muestra un empuhe mas amplio entre representantenan Caribense pa sigura cu nan prioridadnan — desde resiliencia climatico te diversificacion economico — ta haya mas visibilidad den institucionnan regional.

SER kier implementa AI, pero ta protege criterio humano

Conseho Social-Economico (SER) kier sigui haci uso di manera efectivo y responsabel di hermentnan di inteligencia artificial (AI) generativo pa sostene su tarea di conseho. E decision aki ta bin despues cu riba 19, 20 y 24 di maart ultimo un serie di masterclass tocante AI a tuma lugha pa asesornan y empleadonan di SER, na sede di SER na Ansinghstraat.

Pa e organo di conseho aki, AI no ta un meta riba su mes y menos ainda un reemplazo pa recurso humano. E tecnologia por ta util pa resumi dossiernan grandi, ordena informacion, mehora redaccion, haci comparacionnan y duna splicacion mas cla y accesibel pa publico. Pero den loke ta esencial — interpretacion huridico, balansa interesnan, sensibilidad institucional y formacion di criterio den e proceso di conseho — e ser humano ta keda esun determinante. P'esey, SER ta stipula como regla basico cu por husga AI solamente como un instrumento di sosten y nunca pa substitui deliberacionnan tampoco e funcion di conseho.

E enfoque ey, segun un concepto di guia di e organo tripartito di conseho, ta basa riba e siguiente tres prin-



cipionan basico: responsabilidad humano final, proteccion di datonan personal y garantia di calidad, integridad, exactitud y veracidad. Den practica, esaki ta nifica cu asesor y empleadonan di SER mester haci uso di AI cu un proposito cla y cu prudencia, evita di introduci datonan personal no necesario, verifica echo y fuentenan, y semper por splica dicon a usa un herment, cua dato a introduci y ken a revisa e resultado. Si tin duda, e norma ta simpel: no ta haci uso di e herment.

E rumbo cu SER a scochi ta ki den un tendencia mas amplio den sector publico, caminda uso responsabel di inteligencia artificial generativo ta keda cada biaha mas mara na exigencianan tecnologico, organisativo, etico y huridico.

Pa SER, uso di AI no ta un salto den scuridad, sino un escogencia bon pensa: selectivo ora cu por, prudente ora cu mester, y semper na servicio di miho consehonan.

Union di GroenLinks-PvdA ta revela number nobo: Progressief Nederland (PRO)

(NLTimes) - Entrante juni, GroenLinks y PvdA lo uni bao di e number Progressief Nederland, cu e number cortico PRO. E dos partido, actualmente e bloke mas grandi di oposicion den Tweede Kamer, a haci e anuncio diahuebs.

“Siendo progresivo ta nifica boga pa un sociedad husto,” lider di partido Jesse Klaver a bisa mientras e tabata revela e number nobo. “Nos movimiento su mision ta progreso, no solamente pa un par selecta of esnan mas rico, pero pa tur hende.”

Klaver a enfatisa cu e ausencia di referencianan na e originan social-democratico, berde of izquierdista den e number nobo no ta señala un cambio den e posicion politico di e partido. “Nos ta keda

caminda nos ta pertenece.” E logo nobo di e partido lo inclui un rosa berde.

E number Progressief Nederland tabata circula na Den Haag pa algun dia caba. Si man pasa, BNR a specula, a base di actividad di website y medionan social, cu esaki por ta e number nobo di e partido, aunke GroenLinks-PvdA no a confirma esaki oficialmente.

E lidernan di PvdA y GroenLinks ta bisa cu e partido nobo lo ta esun di mas grandi na Hulanda, cu 103.000 miembro. E miembresia a subi drasticamente den añan an recien, den parti pasobra algun hende a join tur dos partido prome cu e fusion. Un vocero a confirma cu cualkier conteo duplica awor a ser kita.

Klaver ta kere cu PRO tin e potencial pa bira e partido mas grandi den e proximo eleccion. “Si nos traha duro y, riba tur cos, keda fiel na nos mes.” GroenLinks-PvdA ya caba ta e partido mas grandi den Senado, den parti debi na e kiebro di e fraccion di Senado BBB, y tambe ta carga e cantidad mas grandi di asientonan Hulandes den Parlamento Europeo.

Mientras cu GroenLinks-PvdA a keda e partido mas grandi nacionalmente den e eleccionnan municipal di si man pasa, el a perde un cantidad significativa di asiento den conseho. Esaki ta bini despues di un resultado duro den e eleccion di augustus ultimo, caminda e aliansa di izquierda a baha cu cinco asiento.



Alhambra

CASINO AND SHOPS

Serving our guests for over 40 years, Alhambra Casino is the leader in providing excellent customer service and invites qualified applicants to join the team. Alhambra Casino team members enjoy competitive pay and a fun work environment

Cleaners

Job Requirements:

- Basic Knowledge of English, Spanish and Dutch.
- Able to work shifts, weekends and Holidays.
- Good communication skills.
- Preferable some experience with chemicals and cleaning products.
- Outgoing Personality.
- Team work.

Surveillance Operator

Job Requirements:

- Applicants should be responsible, friendly, outgoing and service oriented.
- Must be fluent in English, Dutch, Spanish and Papiamentu. Oral and written.
- Teamwork.
- Able to work shifts and Holidays.
- Basic knowledge in computer. (Windows, excel, word and outlook)
- Preferable good physical condition.

Additional Requirements:

- Knowledge of all Casino Games.
- Excellent observational and communication skills
- Good writing skills.
- Computer knowledge. (Position requires the extensive use of a variety of computer applications)
- Background in gaming surveillance highly preferred.
- Able to work under pressure.

Security (Male)

Job Requirements:

- Must be able to prepare reports.
- Serious person and flexible with schedule.
- Knowledge in computers and Outlook is a plus.
- Good communication skills.
- Must be in good physical condition.
- Able to work all shifts, weekends and on holidays.
- First Aid and CPR knowledge are a plus.

Slot Attendant

Job Requirements:

- Fluent in English, Dutch, Spanish and Papiamentu.
- Able to work under pressure.
- Good communication skills.
- Applicants should be responsible, friendly, outgoing and service minded.
- Teamwork.
- Able to work multiple shifts and Holidays.
- Basic computer knowledge skills.
- Basic knowledge of casino slot gaming.

Floor Supervisor (Live Games)

Job Requirements:

- Minimum 5 years in supervisory experience with strong leadership and supervisory skills, with the ability to motivate and manage a team.
- Extensive knowledge and experience in casino game operations, rules, and procedures.
- Knowledge of all games.
- Strong math skills.
- Excellent customer service and organizational skills.

Job Responsibilities:

- Monitors games to ensure integrity and compliance with established policies, procedures and Gaming Guidelines.
- Maintains and replenishes bankrolls.
- Responsible for verifying fills, credit slips, opening & closing slips and markers pertaining to games in assigned area.
- Monitors, evaluates and records customer's gaming activities for rating purposes.
- Other job assignments as requested by management.

Cashier and Cashier Supervisor

Job Requirements:

- Fluent in English, Spanish, Dutch and Papiamentu.
- Willing to work all shifts and Holidays.
- Excellent observational and communication skills.
- Math skills is a plus.
- Able to handle pressure.
- Pleasant and outgoing personality.
- Team work.

Dealers

Job Requirements:

- Basic Knowledge of English, Spanish and Dutch.
- Extensive knowledge and experience in casino game operations, rules, and procedures.
- Knowledge of all games.
- Strong math skills.
- Able to work multiple shifts and Holidays.
- Good communication skills.
- Applicants should be responsible, friendly, outgoing and service minded.
- Teamwork.

Player's Club Host

Job Requirements:

- Ability to interact effectively with people at various social levels and across diverse cultures.
- Knowledge of Player Tracking Systems preferred.
- Guest relations oriented.
- Able to work under pressure.
- Basic Knowledge of English, Spanish and Dutch.
- Able to work shifts, weekends and Holidays.
- Good communication skills.
- Outgoing Personality.
- Team work.

We Offer:

- Pleasant work atmosphere.
- Competitive salary.
- Attractive benefits.
- Opportunity to grow in the company.

Apply in person from Monday through Friday at the Human Resources Office, from 8:00 a.m. - 4:00 p.m. or email: J.Geerman@divisino.com

Attn. Ms. Jane Geerman - Human Resources Manager. **Please bring picture**

Valid Government ID required. * You will be required to take a drug test, before hiring * Must be Aruban Citizen

Bolivia: Yamadonan pa minister di Hidrocarbon y presidente di YPFB renuncia

(Infobae) - Oposicion y lidernan di transporte a pidi e salida di autoridadnan principal den sector di hidrocarbon. Senado tambe a anuncia un investigacion.

Crisis di calidad di combustible na Bolivia a pasa di ta un demanda sectorial pa bira un tema cu implicacion politico. Den ultimo dianan, yamadonan pa renuncia di minister di Hidrocarbon, Mauricio Medinaceli, presidente di Yacimientos Petroliferos Fiscales Bolivianos (YPFB), Yussef Alky, y director di Agencia Nacional di Hidrocarbon (ANH), Freddy Zenteno, a aumenta.

Transportistanan y actornan politico a pone responsabilidad riba ambos autoridad pa distribucion di gasolin “destabilisa” y supuesto retraso den compensacion pa afectadonan. Liderato di chauffeurnan di La Paz tabata un di e promenan pa existi nan salida, argumentando incumplimento y un “burla” pa sector.

“Nos kier retira minister y

presidente di YPFB pa e burla cu nan a haci cu e sector”, lider di transportistanan Santos Escalante a bisa, mientras el a anuncia un paro cu blokeo riba diaranson, cual despues a ser amplia como un medida di presion “indefini”. Transportistanan tambe a cuestiona rol di ANH pa supuesto falta di control riguroso riba combustible.

Problema a surgi aproximadamente dos luna pasa cu e prome kehonan pa daño mecanico atribui na mal calidad di gasolin. Memey di tension, presidente di YPFB a reconoce cu combustible contamina cu goma y manganoso, cu a keda den tankinan hereda di e administracion anterior, a ser distribui.

Pa corigi gasolin “destabilisa”, e compania estatal a determina pa inclui aditivanan y detergentenan special, cu obhetivo pa mehora calidad y cumpli cu standard minimo. Sinembargo, kehonan di usuario nan afectado ta sigui surgi y protestanan ta intensifica.



Paralelamente, gobierno a implementa un seguro pa afectadonan, kende mester certifica daño pa ricibi pago. Aunke transportistanan ta reporta retrasonan den e proceso, YPFB a informa cu casi mil usuario ya a ricibi pago y cu reembolsonan lo sigui durante luna di april.

Na ultimo momento, legisladornan di diferente forza politico a uni cu demandanan sectorial, exigiendo un solucion definitivo di gobierno y sosteniendo protesta di transportistanan.

Senador Marcela Guerero a califica e combustible distribui como “gasolin basura” y a lamenta cu responsabelnan ainda no a ser identifica. “Tin

un situacion di indefension di poblacion, y transporte motorisa tin tur motibo”, el a declara. Mientras tanto, senador Nilton Condori a considera protesta di transportistanan como “husto”.

Forsa principal di oposicion, Libre, a bay mas leu y a exigi e renuncia inmediato di autoridadnan principal den e sector: minister, presidente di empresa estatal y director di ANH.

“Libre, firmemente y cu total responsabilidad, ta exigi inmediatamente e renuncia di minister di Hidrocarbon, pasobra e no tin capacidad pa duna solucion na pueblo Boliviano, sino al contrario e ta

agrava e crisis”, diputado Rafael López a bisa durante un conferencia di prensa. Legisladornan tambe a adverti cu nan lo presenta demanda penal den e caso.

Mientras conflicto ta escala, gobierno a yama pa dialogo cu transportistanan y a cuestiona e paro indefini, pasobra segun minister di Presidencia, Jose Luis Lupo, acuerdo previo ya tabata firma. “Den medio di un proceso di dialogo y acuerdo ya firma, e yamado pa paro y blokeo cu ta perhudica Bolivianonan cu kier bay traha of studia ta un error”, el a publica riba su cuenta di X, agregando cu “dialogo ta e mihor forma pa soluciona problemanan”.

Trahador y estudiante Venezolano a protesta atrobe pa miho salario y a haci yamado pa un marcha riba 9 di april

(Infobae) - Tabata e di cuater mobilisacion te awo e aña aki. Trahadornan y studentenan di Universidad Central di Venezuela (UCV) a tene nan di cuatro protesta di aña pa reclama mehoraion di salario. Ademas, nan a haci yamado pa un mobilisacion nobo riba 9 di april di aña aki rumbo na sede di Ehecutivo na Caracas.

“Nos ta probecha di e oportunidad aki pa invita henter Venezuela 9 di april pa marcha pa Caracas, rumbo na Mira flores (sede di Ehecutivo), pa pidi e rumannan (Delcy y Jorge Rodriguez) un respuesta, unda e placa di tur Venezolano ta”, Jose Patines, secretario general di sindicato di Canciyer, a expresa.

E dia a cuminsa cu un asamblea na sede di UCV, sigui pa un marcha den area rond di



universidad, unda manifestantenan a exigi un aumento di salario minimo, cu a keda na 130 bolivar pa cuater aña, ekivalente na 0,28 dollar pa luna segun cambio oficial di Banco Central di Venezuela. Den añanan reciente, gobierno a priorisa pago di dos bonus na trahadornan publico, cu no ta impacta otro beneficio laboral y cu ta yega

na 160 dollar, deposita den bolivar segun tasa oficial.

Patines a anuncia cu nan tambe lo exigi na presidente interino Delcy Rodriguez y presidente di Parlamento Jorge Rodriguez splicacion tocante e problemanan continuo cu suministro di awa y electricidad den e pais. “No sigui cu cuentonan, no sigui

gaña Venezolanonan, si boso no por cu e cargo, entrega esaki”, el a agrega.

Valentine Sialoni, estudiante di UCV, a expresa importancia di mantene presion pa mehora salario, estudio y condicionnan di bida y estudio. “Nan merece esaki den un pais cu semper a vale la pena”, el a declara.

Na februari, un famia tabatin mester di 645,6 dollar pa cubri gastonan basico di cuminda na Venezuela, segun Centro di Documentacion y Analisis di Federacion Venezolano di Maestronan (Cendas-FVM), cu a publica dialuna su calculacion di cantidad basico di cuminda.

E NGO a indica cu salario minimo ta cubri apenas 0,05% di costo di e cantidad aki, calcula pa cinco persona, loke ta ekivalente na 1.937 salario minimo mensual of 4,4 bonus di “guera economico”, un di e suplementonan cu gobierno ta paga cada luna.

Banco Central di Venezuela (BCV) a reporta cu e pais a registra un inflacion acumulada di 51,9% den e prome dos luna di 2026, cu un subida di prijsnan di 14,6% na februari y 32,6% na januari.

Trinidad y Tobago: 19 mucha aresta na scol den tres luna



(TrinidadExpress) - Minister di Seguridad Interno Roger Alexander a bisa cu desplega oficialnan policial na scolnan di “riesgo halto” tabata un iniciativa exitoso pa frena violencia, ya cu 19 estudiante a keda aresta y acusa di varios ofensa, incluyendo posesion di droga y arma.

Den e reunion di Senado, e minister a duna e informacion como contesta riba un pregunta di Senador di oposicion Melanie Roberts-Radgman, kende a pidie pa indica e cantidad di studiantenan aresta y/of acusa en conexion cu incidentenan di violencia na scol durante e periodo academico di september pa december 2025.

Alexander a bisa cu e Iniciativa di Polis Orienta na Scol a keda implementa na september 2025 como parti di e strategia mas amplio di gobierno pa fortalece seguridad dentro di e ambiente di scol y pa sostene e prevencion y maneho di incidentenan di violencia na scol dentro di institutonan educativo.

El a bisa cu bao di e iniciativa aki, oficialnan di Servicio di Polis di Trinidad y Tobago (TTPS) a ser desplega na scolnan rond di e nacion pa provee un presencia visibel di aplicacion di ley, responde na incidentenan ora ta necesario, y sostene administradornan di scol pa mantene un ambiente di enseñanza sigur y ordena.

E minister a bisa cu pa e periodo di september pa december 2025, TTPS a informa

cu 19 estudiante a keda aresta y acusa en conexion cu incidentenan di violencia escolar na scolnan na Trinidad y Tobago.

“Sr. Presidente, e presencia di oficialnan policial dentro di scolnan ta destina principalmente como un medida preventivo y di proteccion dirigi na distrai actonan di violencia y garantiza cu cualquier incidente cu ta menasa e seguridad di studiantenan, di maestronan y personal ta ser atendi pronto y di acuerdo cu ley,” Alexander a bisa.

El a agrega cu TTPS lo sigui traha den colaboracion cu ministerio di Enseñansa, administradornan di scol, y mayornan pa fortalece medidanan dirigi na preveni violencia na scol y garantiza cu scolnan ta keda den un ambiente sigur pa.

Senador di oposicion Dr. Amery Browne a pidi e minister pa aclaria si tur estudiante cu a ser deteni tambe a ser acusa. E minister a bisa cu a base di informacion di TTPS, e 19 personanan a ser, en realidad, deteni y tur a ser acusa.

Den un entrevista cu Express, e mandatario a bisa cu parti di e plan di combatimento di criminalidad ta encera atende criminalidad na scolnan y zorg pa tin disciplina y orden.

El a bisa cu bao di e administracion anterior, violencia na scol a ser permiti pa florece y solamente a ser atendi directamente ora cu prome minister Kamla Persad-Bissessar a manda pa agen-

tuero cu ley.

Alexander, parlamentario di Tunapuna, a bishita cuater scol den su provincia: Riverside Hindu SDMS School, Tunapuna Presbyterian School, St Benedict’s RC Primary School, y Good Shepherd Tunapuna Anglican Primary School.

El a señala cu den su interaccion cu studiantenan, el a puntra cuanto a bini di casnan di un solo mayor, y hopi a contesta hisando nan man. E minister a bisa cu e tambe a bin di un cas di un solo mayor, y a indica na e studiantenan cu di unda nan ta bin no ta defini ken nan ta of unda nan kier bay den bida.

El a bisa cu e ta compronde cu hopi estudiante ta bini di casnan kibra y ta enfrenta retonan, pero nan por persevera.

Alexander a bisa cu e ta sostene e prome minister den su punto di bista cu mayornan mester ta responsabel pa nan yiunan y no djis spera cu e Estado y scolnan ta cuida nan responsabilidad. El a bisa cu ta p’esey e lo trece un nota pa e gabinete pa pidi legislacion pa haci mayornan responsabel pa e accionnan di nan yiunan.

“Mayornan no por spera cu nan yiunan no ta huma si nan ta huma nan dilanti, nan no por spera cu nan no ta tene arma ora nan ta haci esaki, loke ta pasa den cas ta loke nan ta siña y nan ta trece e comportacion ey den e scolnan,” Alexander a bisa.

El a bisa cu el a urgi studiantenan pa duna “nan miho chance” y haci nan mes orguyoso y, pa extension, nan famia y comunidadnan.

Where dinner ends,
the night begins

GAIA

AFTER DARK

Late night cocktails | Exquisite bites
Saturdays, from 10PM to 1:30AM

Reservation through [Opentable.com](https://www.opentable.com)
GAIA House of Grill
JOIA Aruba by Iberostar
J.E. Irausquin Blvd 230

JOIA
BY IBEROSTAR

Oscar lo laga Hollywood na 2029, segun Academia

(AFP)—Oscar lo laga Hollywood despues di celebra su centenario, organisadonan a bisa diahuebs, mientras nan a anuncia un acuerdo a largo plazo pa tene e gala den centro di Los Angeles.

Academy of Motion Picture Arts and Sciences a bisa cu ceremonia — e anochi mas importante di aña pa industria global di cine — lo laga Dolby Theatre riba Hollywood Walk of Fame despues di 2028.

E edicion di 2029 lo ser teni na Peacock Theater, parti di e gran compleho LA LIVE, banda di Crypto.com Arena, cas di Los Angeles Lakers.

“Pa Oscar number 101 y mas aya, e Academia ta spera pa colabora cerca cu (propietari-



onan) AEG pa haci LA LIVE e escenario perfecto pa nos celebracion global di cine, tanto pa audiencia presente den teatro como pa fanaticonan di cine rond mundo,” CEO di Academia Bill Kramer y presidente Lynette Howell Taylor a bisa.

E acuerdo di 10 aña cu AEG ta bin mientras e ceremonia

ta laga rednan di television na Merca, pa en cambio ser transmiti mundialmente via YouTube.

Esaki tambe ta marca fin di un periodo di decadas pa e ceremonia na Dolby, cual ta keda hopi cerca di Roosevelt Hotel, unda e prome Oscar a ser entrega na 1929.



Aunke Hollywood ta sinonimo cu Oscar, e ceremonia no semper a tuma lugaynan.

Anteriormente, streanan a yega na varios sitio den centro di ciudad, y durante gran parti di añanan 1960, ceremonia a tuma lugaynan den ciudad costero di Santa Monica.

Na premiacion di e aña

aki, cual a tuma lugaynan dia 15 di maart, pelicula di Paul Thomas Anderson, “One Battle After Another” — un historia dinamico riba revolucionarionan di izquierda, supremacistanan blanco y centronan di detencion pa migrantenan — a gana premio pa mihor pelicula.

Prome minister di Nepal ta rap su prome mensahe despues di eleccion

(AFP) - Nepal su rapper cu a converti den politico, Balendra Shah, pronto lo huramenta como e prome minister nobo y a emiti su prome mensahe despues di eleccion via un rap lansa diahuebs, urgiendo unidad.

“E forsa di unidad ta mi poder

nacional,” Shah, miho conoci como Balen, a rap den e cantica, cual tabatin dies miles di bista dentro di minuutnan despues di su lansamento riba rednan social y plataforma di streaming.

“Nepali sin division, e biaha aki, nos lo crea historia,” e

hombre di 35 aña a agrega, cantando den Nepali.

E Shag bon bisti, ken usualmente ta bisti brilnan scur, a surgi como un simbolo di cambio politico motiba pa hobennan y lo formalmente bira prome minister diabierna.

Su partido Rastriya Swatantra

Party (RSP) a gana e eleccion dia 5 di maart cu un diferencia grandi, marcando e prome eleccionnan desde un rebelion lidera pa hobennan den september di 2025. Por lo menos 77 persona a perde nan bida den e manifestacionnan anticorupcion, cual a cuminsa pa motibo di un prohibicion di rednan social pero a causa furor pa dificultad financiero.

Shah, ken a mantene silencio publico desde su victoria den eleccion, a trece un mensahe di solidaridad den su cantica “Jay Mahakaali,” nombra den honor na un diosa Hindu poderoso. “Mi curason ta yen di curashi, mi sanger cora ta herbe’ mi rumannan ta para cumi, e biaha aki nos lo bay halto,” el a canta, mientras por mira video di e rapper ta campaña pa eleccion.

“E biaha aki, felicidad lo reina den tur cas. Manera palo di un mondi berde, mi lo kibra tur loke bin. Cu mi rosea nunca caba, mi lo core manera leopardo.”

El a huramenta como legislador diahuebs, pero lo huramenta como prome minister diabierna.

E ta marca un riesgo grandi cu e reformista a tuma, ken a renuncia como alcalde di Kathmandu pa desafia KP Sharma Oli, e premier di 74 aña cu a logra bira premier 4 biaha, den su propio asiento.

Shah no solamente a tumba Oli, sino tambe RSP a garantiza un mayoria poderoso den parlamento, sigurando 182 di 275 sientu den parti di e parlamento.

A first communion deserves a first-class celebration

Celebrate a once-in-a-lifetime milestone like your child's First Holy Communion together with family.

Mark the occasion with a gathering that feels truly special, with our Holy Communion packages tailored to your celebration needs.

Now booking Holy Communion celebrations.

Lilian Polsbroek
Lilian.Polsbroek@hilton.com
526 6120

Hilton
ARUBA CARIBBEAN RESORT & CASINO





\$21,000
in Cash Prizes

MARCH 1 -28, 2026

WEEKLY CASH PRIZES!

DRAWINGS EVERY SATURDAY STARTING AT 9:30PM

THE CASINO AT
THE RITZ-CARLTON
ARUBA

Polis di Reino Uni lo bolbe habri investigacion contra Andrew Tate pa violacion



(AFP) - Forsa policial Britanico a bisa diahuebs cu e lo bolbe habri un investigacio contra violacion y agresion sexual cu varios muhe a haci contra influencer Andrew Tate entre 2014 pa 2015.

E ta marca e decision mas recien den un cantidad di investigacion contra Tate, un ciudadano Britanico cu ta promove su punto di bista divisivo na miyones di siguido riba rednan social. "Hertfordshire Constabulary por confirma cu un decision a ser tuma pa bolbe investiga acusacionnan haci pa muhenan entre 2014 y 2015 tocante violacion y ofensan an di agresion sexual," forsa policial, basa na parti nort di Londres, a bisa den un declaracion.

Na Romania, unda nan ta basa den añanan reciente, Tate y su ruman homber Tristan ta enfrenta acusacion di trafica menornan di edad, relacion sexual cu un menor y labamento di placa.

Hertfordshire su polis a investiga e acusacionnan di ofensa sexual haci pa 3 hende muhe contra Andrew Tate pa 4 aña prome cu e caso a cera den 2019. "For di basta tempo caba Hertfordshire Constabulary mester a bolbe habri e investigacion tocante acusacionnan di violacion, abuso sexual y agresion contra Andrew Tate," e muhenan a bisa den un declaracion.

Crown Prosecution Service (CPS), cual ta pone casonan criminal na Inglatera y Wales, no a acusa e figura di rednan social despues di e investigacion di polis den 2019.

CPS anteriormente a bisa cu a investiga e acusacionnan completamente y e no ta cumpli cu su test legal pa un posibilidd real di condena.

E 3 hende muhe awo ta demandando Tate den un caso civil cu un di 4 muhe. E hucio den corte di alto nivel lo cuminsa den juni di 2026. E rumannan Tate ta acusa di evadi impuesto y labamento di placa na Reino Uni.

Tambe nan ta enfrenta acusacionnan separa di violacion y trafico humano cu diferente muhe a trece dilanti y ta investiga pa polis di Bedfordshire, cual ta cubri nan ciudad natal Luton y tambe parti nort di Londres.

Polis di Bedfordshire a sigura un orden di detencion pa e acusacionnan, cu hues di Romania dunando orden pa extradita e rumannan pa Reino Uni despues cu proceso legal na Romania caba

E rumannan influencer ta rechasa tur acusacion.

Nan abogado ta bisa aña pasa cu nan lo regresa Reino Uni pa enfrenta acusacionnan di ofensa sexual despues cu conclui e procesonan na Romania.

Reese Witherspoon ta bisa cu 'Legally Bonde 3' ainda ta riba mesa

(TMZ) - Fanaticonan tin hopi tempo ta warda pa e regreso di Elle Woods na pantaya grandi y Reese Witherspoon ta bisa cu e fanaticonan no mester rindi nan speransa.

Den un entrevista nobo cu Bustle, e actor a ser puntra si "Legally Blonde 3" por sucede ainda den futuro, na cual el a contesta "Absolutamente. E ta henter un mundo cu nos kier crea cu e personahe aki."



E ta pensa cu un tercer pelicula lo crea un impacto cultural similar na "Barbie," bisando "tin un sentimiento cu muhenan kier rally rond di personahenan cu tabata parti di nan hubentud y celebra e idea cu Elle Woods ta mas cu e color ros. E ta parti di bo identidad di balor propio y logronan." Sinembargo, Reese ta pur-

bando di cana 'LB3' pa mas di un decada, urgiendo fanaticonan "yama MGM" den 2015, durante un presentacion na "Fashionably Late with Rachel Zoe."

Mindy Kaling anteriormente a conta Variety cu e y Dan Goor a caba y entrega un proposicion prome cu e temporada festivo di 2024, sinembargo desde

november ultimo, Ali Larter - ken a interpreta Brooke Windham - a bisa InStyle cu e no a tende nada tocante 'LB3' bisando, "nos tur tin speransa. Ken sa unda e lo bay."

Reese por ta declarando cu e siguiente pelicula no ta fuera di mesa, pero no ta cla si e tercer te ainda ta activamente den proceso.

ELMAR

Feliz Pasco di Resurreccion, Aruba!

En conexion cu Pasco di Resurreccion nos lo ta cera henter dia ariba Diahuebs 2, Diabierna 3 y Dialuna 6 di april 2026.

Den caso di emergencia por yama libremente nos Storingsdienst na 523-7147.

Ganador di oro Olimpico den badminton, Marin, ta retira pa lesion



(AFP) – Ganador di Oro Olimpico, e Spaño, Carolina Marin a retira di e deporte diahuebs despues di un bataya largo cu un lesion na su rudia.

E atleta di 32 aña a gana oro den singles femenino na Olimpiada di Rio de Janeiro 2016, y ta keda e unico hungador di un pais fuera di Asia pa gana oro.

Triple campeon mundial, Marin tabatin speransa di competi den Campeonato Europeo na april na Huelva, su ciudad natal na Andalucia, pero no tabata kier a riesgo haci mas daño na su rudia.

Na Olimpiada di Paris 2024 el a alcanza e semi-final pero a sufri un lesion di ligamento di rudia durante e partido cu a fors'e pa retira, despues di ya a faya e Olimpiada di Tokyo 2020 cu otro lesion di rudia.

"Mi carera den badminton profesional a yega su fin," Marin a bisa den un post riba Instagram.

"Mi lo a gusta di mira otro un ultimo biaha riba cancha, pero mi no kier pone mi curpa den riesgo pa esey...

"Mi lo a desea pa mi carera caba di otro manera pero den bida cosnan no semper ta bay

manera nos kier y nos mester acepta esey.

"Profundamente mi a retira riba e cancha, na Paris na 2024, nos djis no tabata sa ainda e tempo ey."

Ademas di gana oro door di derota PV Sindhu di India den final na Rio, Marin a triunfa tres biaha den Campeonato Mundial na 2014, 2015 y 2018.

E ultimo di e finalnan aki tambe tabata contra Sindhu, mientras Marin a converti den e prome muhe pa gana tres titulo mundial den singles.

Ecuador cu speransa cu FIFA lo elimina suspension di Caicedo pa Mundial

(AFP) – Coach di Ecuador, Sebastian Beccacece a bisa diahuebs cu lo ta "husto" pa cuerpo gobernante di futbol mundial, FIFA permiti centrocampista suspendi, Moises Ciacedo pa hunga den apertura di Mundial e berano aki.

E centrocampista di Chelsea a keda suspendi pa dos carchi geel den un victoria 1-0 den clasificacion contra Argentina na september 2025, loke ta nifica cu e ta suspendi pa nan encuentro cu Ivory Coast na Merca dia 14 di juni.

Federacion di futbol di e pais a pidi FIFA pa elimina e suspension segun reportahenan den medionan Ecuatoriano.

"Si Moi hunga den e apertura ami ta bay ta contento, bo semper kier tin hungadornan cu tin e liderazgo ey y e presencia ey," Beccacece a bisa reporteronan. "Mi semper a bisa cu mi ta pensa cu ta posible (pa retira e sancion) pa revisa e asunto pasobra mi sa con FIFA ta opera."

Beccacece a bisa cu lo ta e decision corecto pa permiti e futbolista di 24 aña di edad hunga.

"Mi no sa con cerca of con leu e ta... pero mi ta spera (cu e lo sucede), pasobra mi ta kere cu ta algo cu lo ta husto," e coach a bisa, yamando e carchi cora un "inhusticia."

"Lo ta mihor, den e tipo di situacionnan aki, pa sinta e suspension den e siguiente campaña di clasificacion, pa mi esey ta completamente logico y djis sentido comun.

"Ya cu mi sa con FIFA ta, y e hende rond di dje tin mente pa futbol, mi semper a confia cu esaki por sucede – nos ta bay mira si e intuicion aki ta bira realidad."

Ecuador, cu tabatin un campaña fuerte den clasificacion Sur Americano y a keda na di dos lugar, a yega Mundialnan consecutivo.

Nan ta enfrenta semi-finalista di 2022, Maroco, den un amistoso diabierna na Madrid, e prome team Africano cu ta alcanza e ultimo cuatro di un Mundial. E Atlas Lions controversialmente a keda declara campeon di Cup Africano di Nacion anteriormente e luna aki, a pesar di perde e final 1-0 na januari, despues cu algun hugnador di team opositor, Senegal, a sali di e cancha despues cu Maroco a ricibi un penalty.

Confederacion di futbol Africano a bisa cu Senegal mester a entrega e partido, cu Senegal apelando contra e decision dilanti Corte di Arbitrahe pa Sport.

Despues di e derota di Maroco na januari, coach Walid Regragui a haya retiro y a keda reemplasa pa Mohamed Ouahbi, promovi for di e team U-20 despues di gana Mundial na e nivel aki aña pasa.

"E ta bay duna continuidad na tur loke nan a construi durante tempo, pasobra nan ta bin haci cos hopi bon pa un tempo caba," Beccacece a agrega.



The Aruba Ports Authority N.V. is publicly tendering: **Reconstruction "Fruit" Pier at Port of Barcadera.**

According to the tender document: CAPEX PROJECT APA-PFAU-13A-25

Short Project Description

The project consists of the following activities:

The primary objective of this project is to rehabilitate the Fruit Pier by reconstructing the existing deck structure. The project aims to restore the structural performance and operational functionality of the pier while ensuring that the facility meets current safety and operational standards.

Through the implementation of the proposed works, the project seeks to:

- Extend the service life of the pier infrastructure.
- Improve the structural reliability and safety of the facility.
- Ensure the continued efficient operation of small-vessel activities within the harbor.
- Reduce the risk of operational disruptions caused by infrastructure deterioration.

The tender documents will be available from **March 30, 2026, up to April 02, 2026**, at the main office of the Aruba Ports Authority N.V. or via E-mail against a payment of **Afl. 250.00**.

The request for the tender document must include proof of transfer in the requesting email. Note that the cut-off time for receipt of request and proof of transfer is **April 02, 2026, at 4:30pm local time**.

Bank Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description: TOR project nr. APA – PFAU – 13A – 25

For additional details of this tender, visit
<http://www.arubaports.com/reconstruction-fruit-pier-at-port-of-barcadera>
or scan this QR code.



Deporte Olimpico di hende muhe lo ta limita pa ‘muhe biologico’

(AFP) – **Comite Olimpico Internacional (IOC) a declara diabierna cu solamente “muhe biologico” lo por participa den evento femenino, impediendo hende muhe transgenero competi.**

IOC ta reintroduci test di genero pa determina eligibilidad pa participa den evento femenino, cuminsando cu Olimpiada di Los Angeles 2028. E medida tambe lo exclui hopi atleta cu diferencia den desaroyo sexual (DSD).

Den un cambio grandi di politica, e IOC ta bandona e reglanan introduci na 2021, unda federacionnan individual por dicidi nan propio politica, y a cambio ta implementa un politica uniforme pa tur deporte olimpico. “Eligibilidad pa cualkier evento den categoria femenino na Weganan Olimpico of cualkier otro evento di IOC, incluyendo deporte individual y di ekipo, awor ta limita na muhe biologico, determina riba base di un screening unico di gen SRY,” IOC a bisa den un comunicado.

E testnan lo ser haci pa medio di muestra di slijm, muestra di couchi of muestra di sanger. Esaki lo ser haci un biaha den



bida di un atleta.

Presidente di IOC, Kirsty Coventry, a bisa: “E politica cu nos a anuncia ta basa riba ciencia y a ser guia pa exper-tonan medico. “Na Weganan Olimpico, hasta e diferencia mas chikito por ta e diferencia entre victoria y derota. “Pues ta absolutamente cla cu no lo ta husto pa hombernan biologico competi den categoria femenino. Ademas, den algun deporte simplemente e no lo ta safe.”

Den un conferencia di prensa despues, Coventry a agrega: “Mi ta sinti cu e politica aki ta un politica cu ta sostene igualdad y husticia y proteccion di seguridad den wega.”

Ta elimina potencial enfrentamento cu Trump

E politica nobo ta elimina un potencial fuente di conflicto entre IOC y presidente Mericano, Donald Trump mientras e Olimpiada na Los Angeles ta bin den horizonte.

Trump a duna un orden ehec-utivo prohibiendo atleta transgenero di deporte femenino tiki despues cu el a asumi su cargo.

Mientras deporte manera landamento, atletismo, ciclismo y remo a introduci prohibicion, hopi otronan ta permiti muhe transgenero competi den categoria femenino si nan baha nan nivel di testosterona, normalmente door di tuma un tratamiento di remedi.

World Athletics a elogia e cam-

bio. “Nos ta lider den protec-cion di deporte di hende muhe durante ultimo decada,” un vocero pa e cuerpo internacional di track and field a bisa. “Atrae y retene mas muhe y mucha muhe den deporte ta rekeri un campo husto y igual unda no tin un limite biologico.

“Esaki ta nifica cu genero no por surpasa biologia. Un maneho consistente den tur deporte mester ta algo bon.”

Test di genero a keda introduci pa prome biaha na Olimpiada 1968 y a ser usa pa ultimo biaha na Weganan di Atlanta 1996, pero a keda elimina despues di critica di comunidad cientifico.

E politica nobo tambe lo ricibi oposicion, specialmente relaciona cu atleta cu DSD, e condicion inusual den cual hormoon, genetica y organo reproductivo di un persona por tin un combinacion di caracteristica femenino y masculino.

The British Journal of Sports Medicine a bisa den un articulo e luna aki cu no tin “datonan cientifico di calidad aceptable tocante un bentaha den prestacion deportivo pa hende cu DSD cu posee un gen SRY.”

A agrega: “Evidencia tocante

nan prestacion atletico ta extremadamente limita y problematico.”

E atleta cu DSD miho conoci den añanan recien ta e coredo Sur Africano, Caster Semenya, e dobel campeon Olimpico den 800m di hende muhe, kende tin cromosoma masculino XY.

IOC ta introduciendo e politica nobo despues cu e competencia di boxeo di hende muhe na Olimpiada di Paris 2024 a keda sacudi pa un disputa di genero involucrando boxdo Algerio, Imane Khelif y Lin Yu-ting di Taiwan.

Khelif y Lin a keda exclui di campeonato mundial 2023 di Asociacion di Boxeo despues cu IBA a bisa cu nan a faya test di eligibilidad.

Sinembargo, IOC a permiti ambos competi na Paris, bisando cu nan tabata victima di “un decision repentino y arbitrario di IBA.”

Ambos boxdo a gana medaya di oro.

Desde esey, a permiti Lin pa competi den categoria femenino na eventonan dirigi pa Boxeo Mundial, e cuerpo cu ta bay supervisa e deporte na Olimpiada di Los Angeles 2028.

Playoff final Damas Open

Bubali y Estrella ta empata mientras Britannia ta gana RCA

E playoff final di Damas Open a inicia diadomingo ultimo den Compleho Deportivo Franklyn Bareño na Piedra Plat unda Bubali a enfrenta Estrella y Britannia a midi forsa cu RCA.

Den e prome wega di e atardi nos por mira Bubali y Estrella den un bataya fuerte. E ekipo di Estrella ta e prome cu a tuma e iniciativa di e wega creando algun bon oportunidad di gol, pero e acabadanan riba gol no tabata esnan mas mihor. Di otro banda Bubali tabata warda su momento y a ehecuta cu algun counter pero no por a haya e punteria pa anota gol. Dado momento, Bubali a cuminsa presiona bon na unda nan ta haya un penalti y aki no a probecha ya cu e keeper di Estrella ta para e bala bulando den e skina corecto. E prome tempo a bay aden cero cero.



Den e di dos tempo, Bubali a cuminsa pone presion buscando tur forma pa anota e gol di bay



ariba. Estrella su defensa tabata wanta bon pero asina mes no a wanta e concentracion mirando cu un descuido den e linea di defensa ta pone Bubali habri e marcador 1 - 0 pa medio di un gol anota pa Kristeen Brete. Tur cos a muestra cu Bubali lo hiba e tres puntonan cas, pero faltando algun minuut pa e wega termina, e bolante Liandra Angela cu un cabezazo ta anota e 1 - 1 pa Estrella. Despues di e empate tur dos ekipo a lucha pa anota e di dos gol pero no ta logra y asina ambos ta hiba 1 punto cas.


Den e otro wega di playoff, Britannia no ta perdona y ta gana RCA cu e score di 5 - 0. Aki Zyana Rogers 2x, Chiki Werleman, Keylee Vlijt y Amy Henao ta percura pa e golnan di e Lady Pumanan di Piedra Plat.

Diadomingo awor e playoff final lo sigui pa 5.30 di atardi y 8or di anochi.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Bill Gates ta adverti cu pa 2050 mundo lo mester tres biaha mas energia cu loke ta consumi awe

(Infobae) – Co-fundador di Microsoft a destaca potencial di depositonan subteraneo di hidrogeno como un alternativa energetico pa transforma sistema electrico den añanan binidero.

Bill Gates, co-fundador di Microsoft, a participa algun dia pasa na Breakthrough Energy Ventures Investor Summit na Texas y a identifica un cambio sin precedente den sector electrico global.

Segun e empresario, pa 2050 mundo lo mester casi tres biaha mas energia compara cu consumo actual, cu necesidad di electrifica sectornan dependiente di combustibel fossiel pa logra un economia decarbonisa.

Riba su blog, el a enfatisa cu transicion energetico ta implica un gran desafio di suministro: “Nos mester suministra un cantidad enorme di energia di un forma limpi, confiabel y accesibel”.

Den e mesun publicacion, el a revela cu su compania Tera Power a ricibi autorisacion federal pa cuminsa construcion di un reactor nuclear avansa na Kemmerer, Wyoming, un paso cu ta muestra e evolucion tecnologico rapido di e sector.

Kico e solucion energetico a largo plazo ta segun Bill Gates

E di dos area ta fusion nuclear, considera como un solucion a largo plazo pa generacion di electricidad sin carbon. “Fusion ta e reaccion cu ta alimenta Solo y streaman, y tin potencial pa ta un fuente practicamente ilimita di electricidad limpi y sigur”, empresario a bisa.

Gates a indica cu e prome plantanan comercial probablemente lo usa campananan magnetico den dos configuracion: e tokamak, “mas facil pa construi pero mas dificil pa mantene stabiel”, y e stellarador, “mas dificil pa construi pero mas facil pa man-

tene stabiel”.

Den e sentido ey, companianan manera Commonwealth Fusion Systems ta plania pa lansa nan tokamak SPARC proximo aña, mientras TypeOne Energy ta sigui avansa cu su stellar Infinity One.

Cual tipo di energia ta un di e sorpresanan mas grandi segun Bill Gates

Tocante hidrogeno geologico, Gates ta defini esaki como “un di e sorpresanan energetico mas grandi di ultimo decada”. El a splica cu ta un fuente renobabel cu Tera ta produci continuamente den su tera.

“Baorakebaogou, un pueblo na Mali, ta ricibi energia danki na e deposito chikito di hidrogeno riba cual e ta situa, y investigadornan a haya depositonan na Merca, Francia y otro luganan”, el a señala. Aunke e ta reconoce cu su escalabilidad ainda ta incierto, e ta considera cu descubrimiento di reservanan grandi por accelera rapidamente de-



saroyo global di e tecnologia, cu companianan manera Koloma y Mantle8 liderando e exploracion.

Kico expectativa Bill Gates tin cu implementacion di e tecnologianan aki

Gates ta consciente cu e panorama energetico global ta mas diverso y dinamico cu nunca prome. E empresario a indica cu e progreso simul-

taneo den varios area lo garantiza opcionnan “pa genera electricidad accesibel, confiabel y limpi na escala cu futuro ta exige”.

Segun su opinion, posibilidad cu por lo menos un di e tecnologianan nobo lo aporta un parti grandi di energia mundial den decadanan binidero ta consolidando su mes como un certeza tecnologico pa e industria.

Union Europeo ta move mas cerca pa prohibi deepfake sexualisa cu AI

(AFP) - Parlamento Europeo a aproba diaranson un prohibicion riba sistemanan di inteligencia artificial cu ta genera deepfake sexualisa, despues di indignacion global riba imagennan intimo crea sin consentimiento cu chatbot Grok di Elon Musk.

Un gran mayoria di parlamentario Europeo a sostene e texto cu ta enfoca riba aplicacionnan dcu ta haci hende sunu como parti di e propuesta pa modifica reglanan di bloc riba inteligencia artificial. Estadonan miembro di Union Europeo ya a duna nan luz berde pa e iniciativa. Parlamentarionan a introduci e prohibicion nobo riba loke nan a yama sistemanan

“nudifier”, cu ta usa AI “pa crea of manipula imagennan cu ta sexualmente explicito of intimo y cu ta parece un persona real identificabel” sin su consentimiento.

Nan a subraya, sinembargo, cu sistemanan di AI cu tin “medidanan di seguridad efectivo cu ta preveni usuarioman crea tal imagennan” no ta cay bao di e prohibicion. Awo estadonan miembro y Parlamento lo negocia riba un texto final, pero ta spera cu e combersacionnan lo bay suave prome cu adopcion definitivo.

Plataforma X, unda Grok ta disponibel, a bisa na januari cu e lo haci cambionan pa stop creacion di deepfake sex-

ualisa di mucha y muhenan. E scandal, sinembargo, a provoca un investigacion continuo di Union Europeo.

Parlamentarionan Europeo tambe a sostene pa pospone implementacion di reglanan pa AI di riesgo halto, tocante modelonan considera potencialmente peligroso pa seguridad, salud of derecho fundamental di ciudadanonan.

E medidanan, originalmente plania pa drenta na vigor na augustus 2026 pa sistemanan independiente y un aña despues pa hermentnan integra den otro productonan, lo posiblemente ser posponi te december 2027 y augustus 2028 respectivamente.



Auto a dal persona di edad cu a crusa caminda na Macuarima

Diamars anochi a drenta informe di un accidente cu hende herida na Macuarima pariba di e veld Crismo Angela y Nady Croes, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un auto a dal un hende di edad cu a bay crusa caminda. E auto mes a para y a bati alarma. Na yegada di e ambulance nan a atende e persona di edad y a transport'e pa hospital pa mas tratamiento avansa.




Na Santa Cruz un auto a pasa dal spiel di otro auto kibra y a sigui core bay


Diamars anochi a drenta informe di un accidente riba caminda di Santa Cruz pa Piedra Plat, mesora a dirigi un patruya na e sitio.

Na yegada di e patruya a bin compronde cu aki ta trata di

un accidente hit & run unda un auto bayendo di Piedra Plat pa Santa Cruz a pasa dal e spiel di e auto contrario y sigui bay. Polis a tuma tur informacion y a keda di busca e imagen di e camara di seguridad den e area.



Polisnan cu control den trafico na diferente ora y na diferente sitio



Ultimamente por a nota cu polisnan ta intensificando nan control den trafico, por mira nan na diferente sitio.

A bin compronde cu otro

siman lo incrementa e cantidad di sitionan combina cu e puntonan strategico di control.

Laga esaki ta un alerta pa un y tur percursa pa bo documento

di vehiculo, bo vehiculo y abo mes ta den bon condicion pa stuur y ta "safe" riba caminda. Un trafico sigur ta responsabilidad di nos tur.

Turista a accidenta cu quadracer pariba di Kapel Alto Vista



Diaranson merdia a drenta informe di un accidente cu hende herida pariba di Kapel Alto Vista, mesora a dirigi tanto polis como ambulance na e sitio.

Na yegada di e patruya a bin

compronde cu e manchador a perde control y a bolter. Den e boltermento e manchador a resulta herida.

Na yegada di e ambulance nan a atende e manchador y a transport'e pa hospital.

G7 ta reuni na Francia cu speransa di sana diferencia riba Iran entre aliadonan transatlantico

(AFP)— **Diahuebs paisnan Europeo y aliadonan busca manera di baha e diferencia cu Merca riba e guerra den Medio Oriente, ora un reunion di dos dia di ministernan di Asunto Exterior di G7 a cuminsa pafor di Paris.**

Mientras presidente Donald Trump ta bisa cu Washington ta sigui negocia cu Iran via diplomacia mientras e ta tira menasa di accion militar aun mas fuerte, aliadonan Mericano ta spera cu Merca lo pone su posicion cla.

E cuminsamento di e reunion di dos dia di e siete democra-cianan industrial mas grandi na Vaux-de-Cernay Abbey pafor di Paris tabata marca pa e ausencia di Secretario di Estado Mericano Marco Rubio. E lo uni cu otro diplomatico di alto nivel for di Canada, Alemania, Italia, Francia, Hapon y Reino Uni — pero solamente diabierna.

Al contrario cu protocol normal, y como señal di e distancia entre Merca y su aliado, lo no tin ningun comunicado conhunto na fin di e reunion. En cambio, e presidencia di G7, cual Francia tin e aña aki, lo saca un declaracion, un fuente diplomatico a bisa, pidiendo pa no ser identifica. “Mi tin hopi confianza cu

nos por defini un posicion comun,” minister di Asunto Exterior di Alemania, Johann Wadephul, a bisa prome cu el a drenta e reunion.

“E meta ta pa termina e conflicto aki mas lihe posible, pero tambe di un manera duradero.”

El a agrega cu tabata di “gran importancia” pa Alemania sa “exactamente kico nos partner Mericano ta planeando,” y a bisa cu lo ta positivo si Merca tene conversacion “directo” cu Iran.

‘No por ignora’ Ucrania

Mientras tur pais di G7 ta aliado cerca di Merca, ningun no a duna apoyo sin duda na e atake riba Iran, loke a frustra Donald Trump.

E menasa di Donald Trump pa ataca facilidadnan di energia di Iran — awor mas suavis pa motibo di supuesto conversacionnan — a crea preocupacion entre aliadonan Europeo, unda tur a pidi pa baha tension y no ta participa den e conflicto.

Hefe di politica exterior di Union Europeo, Kaja Kallas, a bisa cu tin un “necesidad pa sali for di e guerra, no pa aumenta esaki mas.”

E tambe a adverti cu mas cu



cuatro aña despues cu Rusia a invadi Ucrania completamente, “atakenan di Rusia riba infraestructura civil di Ucrania ta aumenta tur dia y nos no por ignora esaki.”

Kaja Kallas tambe a acusa Rusia di comparti informacion di inteligencia cu Iran cu a ser usa pa ataca Mericanonan den Medio Oriente.

“E gueranan aki ta hopi interconecta,” el a bisa.

E reunion a cuminsa despues di un mainta di conversacion bilateral cu un sesion riba reforma di gobernacion global. Segun e programa, sesionnan riba Iran y Ucrania ta planifica pa diabierna.

Minister di Asunto Exterior di Francia, Jean-Noel Barrot, lo tene un conferencia di prensa mas despues.

Den un intento pa amplia e alcance di e club elite di G7 — di cual su origen ta bay back na e prome cumbre di G6 na Chateau de Rambouillet na 1975 — Francia tambe a invita ministernan di Asunto Exterior di mercado emergente importante Brasil y India, como tambe Ucrania, Arabia Saudita y Corea di Sur.

Francia lo hospeda tambe un reunion separa di G7 via video call dialuna, reunien-do ministernan di Finanzas,

energia y gobernadonan di banco central, Minister di Finanzas Roland Lescure a bisa RTL radio.

G7 mester apoya colectivamente esfuerso pa baha tension di e guerra, Minister di Asunto Exterior di Canada, Anita Anand, na AFP a bisa, señalando “problemanan den cadena global di suministro” pa motibo di Estrecho of Hormuz cu ta casi totalmente cera.

“Nos mester sigui usa canalnan diplomatico pa sigura cu tin un vision comun no solamente pa baha tension pero tambe pa limita e golpi economico,” Anita Anand a bisa.

Lider Houthi ta adverti di ‘respuesta militar’ si guerra den Medio Oriente pidi p’e

(AFP)— **Abdul Malik al-Houthi, lider di movimiento Houthi di Yemen cu respaldo di Iran, a adverti diahuebs di un “respuesta militar” si ta necesario.**

E Houthinan, un parti clave di loke Iran ta yama su “axis di resistencia”, te awor no a participa den e guerra cu a cuminsa despues di atakenan di Merca y Israel riba Iran, cu a envolve gran parti di e region.

“Como pueblo di Yemen, nos ta paga lealtad cu lealtad,” e lider Houthi a bisa den un discurso transmiti pa canal Al-Masirah, afilia cu su movimiento.

“Cualquier desaroyo den e batalla cu ta pidi un respuesta militar, nos lo actua inme-di-



atamente... mescos cu nos a haci anteriormente,” e lider a bisa.

Houthi no a especifica ki tipo di accion militar su movimiento por tuma.

“Nos posicion ta cla y directo contra Merca y Israel, y nos no tin intencion hostil contra

ningun pais Musulman,” el a bisa, den loke tabata parce un referencia na paisnan den Golfo.

Yemen ta situa strategicamente riba costa di Lama Cora, y durante e guerra entre Israel y Hamas na Gaza, el a casi para transporte maritimo

door di lansa misilnan riba barconan cu el a bisa tabata afilia cu Israel, como tambe den direccion di Israel mes.

E biaha aki, transporte maritimo door di Estrecho of Hormuz den Golfo ta den gran parti blokea, cu Iran advertiendo barconan di pais-

nan cu e ta considera hostil cu transito no ta sigur.

Despues cu e guerra a cuminsa, e exportador di petroleo crudo mas grandi di mundo, Arabia Saudita, a cuminsa bombardea miyones di bari di petroleo pa dia door di un pipeline grandi cu ta conecta su instalacionnan di energia cu terminalnan di exportacion riba Lama Cora.

E “Petroline”, manera e ta conoci, a yuda suavisa e impacto di e guerra — permiti-endo Arabia Saudita evita e Estrecho of Hormuz, unda mas o menos 20 porciento di suministro global di petroleo crudo y gas natural liquido tabata pasa prome cu e guerra. Pero si e Houthinan decidi di drenta den e conflicto, esaki por haci e alternativa via Lama Cora tambe insigur.

DAO ta estende fecha pa entrega di Registro di Personal 2025 y Necesidad di Personal 2026 te cu 30 juni 2026

Directie Arbeiden Onderzoek (DAO) ta recorda tur empresa riba nan obligacion legal a base di e Ordenansa Laboral 2013 (Arbeidsverordening 2013) pa entrega nan Registro di Personal y Necesidad di Personal. Cuminsando na 2026,entregamento di e documentonan aki lo tuma luga exclusivamente via e portal digital LABORA.

Na comienso di luna di februari, DAO a publica den medianan di comunicacion un relato extenso informando riba e proceso di entrega di e Registro di Personal 2025 y Necesidad di Personal 2026. E comunicado aki ta pa

informa cu DAO ta dunando un extension di e fecha pa entrega di e documentonan aki. E fecha nobo ta bira te cu 30 di juni 2026.

Extension di fecha

Originalmente, e periodo stipula pa entrega y actualisa e datonan di bo empleadonan y e necesidad di personal tabata te cu 31 di maart 2026. Pa medio di e comunicado di prensa aki, DAO ta informa cu ta duna extension pa entrega di e Registro di Personal te cu 30 di juni 2026. Si tin acceso caba na e portal digital LABORA, mes- ter actualisa e informacion di e empleadonan. Tene na cuenta cu DAO ta controla

pa incumplimento di nos
leynan laboral. Empresanan
cu no cumpli of cu entrega
informacion incorrecto of in-



completo ta risca un sancion administrativo di te cu un maximo di Afl. 5.000,-. Tambe tuma nota cu si ta haci usa di un intermediario, manera un oficina di administracion, e obligacion legal ta keda riba e dunado di trabao y no riba e intermediario.

Acceso y entrega via e portal LABORA

Tur empresa mester tin acceso na **LABORA**. Si bo empresa no tin acceso ainda, mester pidi esaki lo mas pronto posibel mandando un e-mail na: aanvraagpr@gmail.com, simon.brete@aruba.gov.aw of louisetty.croes@aruba.gov.aw. Tambe por descarga e formularionan y instruccionnan necesario pa e peticion pa haya acceso via nos website (www.daoa-ruba.com).

Dato nobo of por haci cambio via e portal na tres mane-
ra:

1. Via e formularianon standard cu ta disponibel den e menu di e portal; of
2. Door di subi un archibo (bestand) Excel pa prome biaha; of
3. Door di subi un archibo (bestand) Excel pa haci cambio(mutacion) den dato di empleadonan.

Ad 1) E formularionan stan-

dard ta mas apropiya pa haci cambianon chikito den dato di empleadonan, manera number di funcion, salario, dianan di trabao of oranan di trabao y pa cambianan cu ta riguarda menos cu dies (10) empleado. Pa cada empleado mester yena un formulario separa.

Ad 2) Ora bo ta manda e dato di empleadonan pa promebiaha na DAO, mester usa e archivo Excel (Migratie – Eerste upload werknemersgegevens).

Ad 3) Si tin varios cambio, bo por usa e archivo Excel (Wijzigingenwerknemersgegevens).

E formatonan di e archivonan Excel y instruccionnan adicional ta disponibel riba nos website: www.daoaruba.com.
Pregunta of ayudo?

Pa preguntanan tocante e Registro di Personal of tem-
 nanan relaciona cu esaki, por
 tuma contacto cu:

•Sra. Louissetty Croes: via
telefon 523 7722 of e-mail
louissetty.croes@aruba.gov.
aw

•Sr. Simon (Oscar) Brete:
via telefon 523 7718 of e-mail
simon.brete@aruba.gov.aw

- Bureau Arbeidsmarkt-
tonderzoek: via telefon 523
7720

Resultado Sorteo
26 maart 2026

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
2818	1766	3300	1912
6156	2677	SUPER5	1464
2650	2765	-	5638

MERDIA	ANOCHI
--------	--------

Sorteo # 4929
4298
1413
4655
X3
Sorteo # 4929
2610
X2
Sorteo # 2985
7882
Sorteo # 4929
3695
Acuario
Sorteo # 1803
463
X3

Sorteo # 8809
4930
1565
3864
X2
Sorteo # 7853
5886
X3
Sorteo # 2558
8562
Sorteo # 6612
7668
Acuario
Sorteo # 1542
FP
974


Sorteo #	Joker Letter
0 x Jackpot	Proximo Jackpot
0 x Match 4+	120.000,-
0 x Match 4	
0 x Afl. 12,00	
	06-10-11-19-23
Sorteo # 7135	Proximo Jackpot
0 x Jackpot	60.000,-
9 x Match 4	
187 x Afl 8,00	

Sorteo #	Mega Ball
0 x Jackpot	Proximo Jackpot
0 x match 4	400.000,-
0 x Afl. 500,00	
0 x Afl 50,00	
0 x Afl.15,00	

Afl 625.000,-

	Sorteo #
Sorteo #	





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Oduber : Seroe Preto:
Tel. 582 1780 Tel. 584 4833

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Polis ta detene ex polis Frances sospecha di mata e mamnan di su yiunan



(AFP) - **Polis Portugues a aresta ex polis Frances sospecha di asesina su pareha y ex pareha despues di secuestra nan y nan yiunan.**

Cedric Prizzon, un miembro di Paris su forsa policial y e hungador internacional di rugby, tambe ta un activista di derechonan di tata cu ta involucra den un bataya di custodia publico cu su ex pareha.

A kita tur su derechonan di custodia y ya caba tabata condena di acosa su ex pareha, despues cu ilegalmente el a hiba nan yiu homber Spaña pa varios siman den 2021.

Polis Portugues a bisa cu nan a haya “dos curpa dera... den un luga isola” diaranson atardi, un dia despues cu a stop e homber di 42 aña den un auto cerca di Meda den e parti nort di e pais cu su 2 yiunan, un mucha homber di 12 aña y un baby di 18 luna.

Oficialnan a haya un arma di candela, documentonan falso y nummerplaat cu 17.000 euro cash den e vehiculo.

Polis Portugues a bisa cu e dos curpa cu a haya tabata di su “pareha y ex pareha,” pero cu “proceduranan pa identifica e victimanan y consolida evidencia ta andando.”

E sospechoso a presenta dilanti hues diahuebs na Vila Nova de Foz Coa, cual no ta

leu for di unda e tabata deteni. E publico tabata grita “Asesino! Asesino” su tras mientras e tabata cana drenta e corte chikito provincial, un reportero di AFP a mira.

Prizzon mester a sali for di corte mientras anochi a cay, cu un fuente hudicial bisando AFP cu su interrogacion por dura te diabierna.

Ambos mucha lo regresa Francia segun autoridadnan a bisa.

Polis Frances tin desde cu e

muhenan a desaparece for di nan cas na e area di Aveyron di Francia siman pasa ta busca Prezzon.

E buskeda pa e sospechoso a cuminsa despues cu su ex pareha a desaparece diabierna. E muhe di 40 aña no a presenta pa trabao na un compania di seguro y su yiu homber no tabata na scol. Prizzon y su pareha nobo, di 26 aña, y nan baby tambe a desaparece for di nan cas na e pueblo cercano di Savignac.

Pronostico di tempo

Tempo:

Awe tardi y awe nochi: parcialmente nubla y seco
Den marduga y mañan: parcialmente nubla cu un awasero pasahero.

Temperatura maximo 32 grado celsius

Temperatura minimo 26 grado celsius

Indice di calor (heat index) den y rond di oranan di merdia: 33 pa 37 grado celsius
UV index: 12

Bahada di solo : 6:51 pm
Subida di solo : 6:39 am

Biento:

Moderado for di direccion oost-noordoost te oost-zuidoost; Forsa 3 te 4 (12 te 30 km/ora, 7 te 16 nudo).

Durante di dia basta fuerte te posiblemente fuerte den rafaga; Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

E extension di e area di presion halto riba Atlantico lo



domina e weer den region. Esaki lo stroba desaroyo di nubianan cu por produci awasero manteniendo e weer generalmente seco.

Condicionnan maritimo/ estado di lama:

Na partinan protegi di costa: Keto cu olanan rond di 1 pia. Na partinan zuid protegi: trankil, 1 te 2 pia.

Na partinan zuid no protegi: trankil te modera cu olanan alrededor di 2 pa 3 pia, localmente 4 pia.

Na partinan oost te noordwest di costa: Generalmente modera cu olanan alrededor di 5 pa 6 pia.

Aurora

Royal Pray

Funeral Home & Crematory

“Señor ta mi wardador, mi’n falta di nada. Den cunucu di yerbe berde e ta ponemi sosega.
E ta hibami na awa trankil, pa mi bolbe haña forsa”
Salmo: 23

Cu inmenso tristesa den nos curason pero conforme cu Dios su boluntad, y agradecido pa su bida y amor, nos ta anuncia morto di nos esposo, tata, ruman, omo y welo stima:



Rudolph Philbert Odor

miho conoci como ‘Phil’
*11 augustus 1953 - †23 maart 2026
Yui di †Carlos “Cai” Odor y
†Francisca “Memechi” Odor-Everon

Na number di
Su señora: Ludmila “Uty” Odor-Kelly

Su yuinan:
Julisa y Danny Calister
James y Vanessa Odor

Su nieto y nietanan:
Ethan, Noah y Liam Calister
Zion, Ayisha y Syrus Odor y Jaydah Arends

Su rumanan:
Carlos “Shon Cai” Odor y Swinda Lopez y famia
Eric y Annelies Odor
† Verina Odor y Nady Wever
John y Lidia Odor y famia
Nivia Loopstok
Omar Boekhoudt y famia
Orvin Boekhoudt y famia
Livia Ridderstap

Suegro y suegra: † Daniel y † Lunita Kelly

Swa y cuñanan:
Danny y Miriam Kelly y famia
Leila y Frank Croes y famia
† Ennio (Doc) y Stella Kelly y famia
Carina Kelly y Robby Lioe-a-Tjam y famia
† John Kelly
Anna Rozenberg y famia

Famianan di Curason:
Didi Martijn y famia
Enid Tromp
Marlene Pablo y famia

Ihanan, sobrino y sobrinanan, primo y primanan, amigo y amigonan, bisñanan, ex-colleganan di Centrale Accountingdienst Aruba, staff y personal di Big Wheel Lottery y demas famia na Aruba, Corsow, Hulanda, St.Maarten, Costa Rica, Spanje, y Merca.

Demas famia: Odor, Everon, Kelly, Calister, Solognier, Loopstok, Boekhoudt, Ridderstap, Wever, Maduro, Croes, Lejuez, Diaz, Carrion, Lopez, van der Linden, Tromp, Lioe-a-Tjam, Rozenberg, Werleman, Padilla, Palacios-Frambach, Noori, Vingal, y Briceño.

Oportunidad pa Condolencia lo ta Diahuebs 26 di Maart na Aurora Funeral Home di 7or pa 9or di anochi.

Acto di entierro ta tuma lugar Diabierna 27 di Maart di 1or pa 4or na Pro Cathedral San Francisco na Playa. Despues ta sali cu nos defunto stima pa Santana central na Sabana Basora.

Si den nos tristeza nos por a lubida algun famia, amigo of ser keri, nos sincero disculpa.

Nos ta lamenta cu despues di entierro, nos no ta ricibi bishita na cas.

Aurora

Royal Pray

Funeral Home & Crematory

“Señor ta mi wardador, mi’n falta di nada. Den cunucu di yerbe berde e ta ponemi sosega.
E ta hibami na awa trankil, pa mi bolbe haña forsa”
Salmo: 23

Cu dolor na nos curason, nos ta participa fayecimento di nos ser stima:



Sra. Vda. Sira Dania-Everon

Cariñosamente yama “Mama Chia, Tan Chia, Pepe Sira”
*17-03-1936 – †23-03-2026

Na number di su **defunto estimado esposo:**
† Sr. Eloy Dania

Yiunan:
† Roberto Dania
Thomas Dania y † Jamilla Mathilda
Evelina y Johnny Felten-Dania
Sonia y Edwin Ridderstap- Dania
Eulogio y Elda Dania- Geerman
Jahaira y Abraham Wrvs Rodriquez- Dania

Nieto- y nietanan:
† Gershwin, Humphrey y Michella, Brian, Kendrick y Giovanna, Lisette, Jo-Eve y Gerald, Jo-Ellyn, Rosethy y Emerson, Eldwin y Alejandra, Manuelle, Luigi y Faryel, Guido y Elaisa, Kevin.

Bisanieto- y bisanietanan:
Jaydon, Kylyshee, Ian, Lishaira y Eugene, Shair, Jared, Jade, Raymir, Genesis y Aleyna.

Rumannan:
† Beltran Everon y Famia
† Margarita Werleman- Everon y Famia
Remacla Croes- Everon y Famia
† Daniel Everon y Famia
Diana Everon y yiu
† Calixto Everon y Famia

Swa y cuñanan defunto

Tur sobrino- y sobrinanan
Tur sobrino-y sobrinanan di su defunto esposo Eloy

Primo-y primanan, ihanan stima, bon bisñanan, conocirnan y amigonan.
Co suegra: Sra. Vda. Lena Geerman

Ex-suegranan:
Esther Croes-Boekhoudt y famia
Ludwina Werleman

Ayudantenan na cas:
Lily Bravo y Sol Vasquez Coronado

Famianan: Dania, Everon, Mathilda, Felten, Ridderstap, Geerman, Wrvs Rodriquez, Lubo, Tromp, Filiciana, Gil, Caro, Badloe, Riveros, Boekhoudt, Werleman, Rafini, Croes, Santana, Cruz, Sam, Lacle, Krosendijk.

Oportunidad pa condolencia ta diabierna 27 di maart 7pm-9pm na Aurora Funeral Home.
Acto di entierro ta tuma lugar diasabra 28 di maart 2026 9am-11am na Aurora Funeral Home. Despues lo sali pa santana Catolico pastoor Kranwinkel na Paradera.

Ta pidi disculpa si den nos tristeza a lubida algun famia of conocir.
Alavez nos ta haci **un invitacion pa compañía nos pa tres misa** pa Descanso di alma di Sra. Vda. Sira: diasabra 28 maart 7pm, diadomingo 29 maart 5.30pm, dialuna 30 maart 7pm na misa Sta. Filomena na Paradera.

Aurora

Royal Pray

Funeral Home & Crematory

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
“Cerca Dios mi alma ta na paz, ta di DJE mi salvacion ta bin”
Salmo 62:1

Cu dolor na nos curason, nos ta participa fayecimento di nos ser stima:



Teofila Catharina Maduro

Cariñosamente yama: “Chichi y Tantan”
*07-12-1941- † 14-03-2026

Mayornan † Fernando y † Agustina Maduro-Bislip

Na number di su:
Estimado **esposu:** † Tomás “Padu” M. Angela

Rumannan:
† Alberto “Pedrito” y Sofia Maduro- Boekhoudt
† Felix y † Genoveva Maduro- Geerman
† Dominico “Doming” y † Greta Maduro- Bergrok
† Fernando “Boei” y † Albertina “Manira” Maduro-Boekhoudt
† Adriaan “Nes” y Maria Maduro- Geerman
† Renulfo “Dai” y Aida Maduro- Geerman
† Luciano “Lou” y Didi Maduro- v/d Biezen
† Jose Lorenzo “Joy” y † Maria Maduro- Kelly

Sua y Cuñanan:
Lino Angela
Velia Angela

Sobrino y sobrina:
† Sandra, Eddy, Roy, Egbert, Randy, Noraida, Lisette, Angeline, † Haydee, Frank, Juni, Alfredo, Mila, Raul, Eta, Omira, Maroushka, † Gregory, Marcel y Liliana, Gianino, Sanderick, Siandra

Demas ihanan y sobre sobrina y sobrino nan
Gregory y Shamaira, Jeorgina y Brandon, Natalia, Jeorgelies, Jeffrey, Zhairon y Sophia

Prima Stima: Marie Angela- Bislip

Miho amiga nan: Cosmo Kock, Rosie, Etel, Ita.

Amigo nan di cas:
Erick y Erica Feliciano, Rosalinda y Alberto Williams, Jeannette Oduber, Lineth

Inmensamente agradecido na Oncoloog Roerdink y tur e verpleegster nan di Edmund Harms Foundation pa un bon cuido di nos ser keri den e etapa ki.

Demas famia y amistad nan: Maduro, Angela, Bislip, Croes, Bislik, Bergrok, Geerman, Boekhout, Boekhoudt, Kelly, v/d Biezen, Lampe, Kock, de Windt, Krozendijk, Franken, Montalvo, Vrolijk, Tromp, Schwengle, Koopmans, Arends, Werleman, Tabora, Velasco, Wouters, Narango, Angela, Mauricio, Tiel, Bislick, Montero.

Ta invita pa acto di condolencia y entierro cual lo tuma lugar na Misa Inmaculada Concepcion na Sta Cruz diabierna 27 di maart 2026 di 9or pa 11or di mainta. Despues nos ta sali pa Santana Central Sabana Basora.

Na lugar di flor of krans un donashon pa Edmund Harms Foundation lo ta altamente aprecia.

Nos ta pidi disculpa si den nos tristesa nos por a lubida un of otro famia.
Despues di entierro nos no ta ricibi bishita di condolencia na cas.

A registra nivel mas abao di ijs marino e invierno aki



(AFP)—Ijs marino den Artico a yega su nivel mas abao registra den historia, estadisticamente igualando e record di aña pasa, un observatorio climatico principal di Merca pa e region geopolitico importante aki a bisa diahuebs.

E ijs ta ser forma pa awa di lama cu ta congela durante temporada invierno. Durante

Mas tempran y nivel mas abao

Nivel maximo di ijs e aña aki

a ser alcansa dia 15 di maart — un siman mas tempran cu aña pasa.

E ijs a yega net bao di nivel di aña pasa cu 14,29 miyon kilometer cuadra, un empate estadistico cu e record historico di 14,31 miyon kilometer cuadra aña pasa, segun National Snow and Ice Data Center (NSIDC) na Boulder, Colorado.

Esaki ta e nivel mas abao observa den 48 aña di monitoreo via satelite. Recordnan anterior a ser registra na 2016, 2017 y 2018.

E formacion debil di ijs e aña aki “ta duna un bentaha pa temporada di dirtimento di primavera y verano,” investigador senior di NSIDC, Walt Meier, a bisa.

Samantha Burgess di European Centre for Medium-Range Weather Forecasts (ECMWF) tabata di mesun opinion den un combersacion reciente cu AFP, bisando cu esaki por causa un “dirtimento den verano posiblemente mas rapido y mas extenso.”

E crecimiento debil di ijs tabata visible riba satelite pa algun siman caba, manera AFP a reporta anteriormente na maart.

Impacto riba bida salvahe y geopolitica

Diferente cu ijs riba tera — manera glacialnan of capa di ijs — dirtimento di ijs marino no ta subi nivel di lama directamente. Pero e ta causa impacto amplio riba clima cu ta menasa ecosistemanan.

Hopi especie, incluyendo beer polar den Artico y pinguin emperador na Antartica, ta depende di ijs marino pa reproduci y haya cuminda.

Algun efecto por crea un reaccion di cadena. “Tin varios area, por ehempel den Lama di Beaufort, cerca di Canada of den lamanan di Siberia, cu nunca antes no tabata exponi na atmosfera,” oceanografo polar Gilles Garric di Mercator Ocean Toulouse a bisa. E exposicion aki por haci e awanan bira mas cayente durante verano.

E dirtimento tambe tin consecuencia geopolitico, pasobra e ta habri rutan nobo di nabegacion y acceso na recursionan mineral. Desde cu el a bolbe na Cas Blanco, Donald Trump a bisa repetidamente cu e kier tuma control di Groenlandia.

“Desde un perspectiva geopolitico, e dirtimento di ijs marino causa pa cambio climatico ta converti e Artico den un Mediteraneo nobo: un recurso maritimo comun rondona pa estadonan den competencia,” experto di cambio climatico y seguridad, Elizabeth Chalcecki, a bisa AFP.

Aurora

Royal Pray

Funeral Home & Crematory

“The Lord is close to the brokenhearted and saves those who are crushed in spirit.” Psalm 34:18

Following the passing of our beloved Althea York, we would like to share the details of her homegoing service.



Althea Maureen York
Sunrise 15 March 1960
Sunset 21 March 2026

She leaves to mourn her:

Daughter and husband:
Jamila Webb & Neil Verdurmen

Grandchild:
Nora Verdurmen-Webb

Siblings:
Karel O’neil York (deceased)
Cheryl York (deceased)
Astrid York (SXM)
Glenroy Davis (Curaçao)

Aunts & Uncles:
Beryl Arrindell & Family SXM
Irona Arrindell & Family
Ruth Arrindell (deceased) & Family
Beaulah Arrindell (deceased) & Family Aruba
James Arrindell (deceased) “Jimbo” & Family
Donald Hughes & children
Rev. Ovid Jermin (deceased) & Family USA
Ralph Jermin & Family USA
Rev. Yvonne Annum-Jermin (deceased) & Family USA
Ferdinand Jermin (deceased) & Family USA
Austin Richardson (deceased) (Great uncle)
Claudine Richardson (deceased) (Great aunt)

Nieces & Nephews:
Rodney York
Andy York
Lionel Bernard Scharbaai
Dayen Scharbaai
Freddy York
Ingrid York
Lenox Bryson
Jakira Bruinhard
Ifama Willems
Darryl York
Kizuwanda York

Great Nephew :
Chozynn Stewart York

Special thanks to caretakers:
Respaldo
Amada 60+ Care Services

She was related to:
York, Arrindell, Arndell, Arnell, Arrindell, Scott, Holiday, Hazel, Labega, Maccow, Richardson, Jermin, Dunkin, Gumbs, Webb, Alleyne, Duchene, Muller, Martin, Hughes, Marlin, Lynch, Richardson, Conner, Williams, Philips, Thompson & Morvan.

Date: **March 31, 2026**
Time: **2:00 PM to 4:00 PM**
Location: **Pray Funeral Home in San Nicolaas**

For those unable to attend in person, the funeral service may be followed via livestreaming on Youtube: Obituary Aruba.

We thank you for your continued prayers, love, and support during this time.

Aurora

Royal Pray

Funeral Home & Crematory

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entiero di nos defunto stima:



Sr. Leopoldo Lampe
“Leo”

Gradicimento ta bay na D. Singh, Team Cardiologi, Dr. Lacle, Dr. Dennert y Nefroloog Dr. Kock. Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na 3 Santo Sacrificio di Misa: diabierna 27 di maart 2026 pa 6:30 pm, diasabra 28 di maart 2026 pa 7:00 pm na misa Santa Anna na Noord y diamars 31 di maart 2026 pa 5:30 pm na na Kapel di Alto Vista

Boso presencia ta altamente aprecia.

‘Centronan di retorno’ pa migrantenan ta haya aprobacion di Parlamento Europeo

(AFP)— **Parlamentari-
onan Europeo a duna luz
berde diahuebs pa san-
cionnan mas duro contra
migrantenan iregular y pa
nan posible deportacion
na asina yama “centronan
di retorno” pafor di Union
Europeo.**

E medidanan, cual gruponan di derecho humano a critica, ta parti di un endurecimiento di reglanan di inmigracion na Europa como reaccion riba presion den e bloc di 27 pais pa limita migracion.

Parlamento Europeo a aproba e pakete cu apoyo di grupo di centro-derecha y ultra-derecha cu 389 voto contra 206 na Bruselas—acercando esaki mas na aprobacion final.

Lider ultra-derechista di Italia, Giorgia Meloni, a yama e voto un “paso importante pa haci repatriacionnan mas efectivo, fortalece control di frontera y finalmente duna Europa un politica di migracion mas creible”.
E reforma lo permiti pa habri centronan, of “return hubs”,



pafor di frontera di Union Europeo, unda migrantenan di ken nan peticion di asilo a ser rechasa lo ser manda.

Tambe ta contempla sancionnan mas severo pa migrantenan cu ta nenga di sali, incluyendo detencion y prohibicion di entrada.

E propuesta a causa division. “E leyman aki lo debilita nos sociedad, aumenta miedo y pusha hende inocente pa sconde pa temor di prison y deportacion,” Cecilia Strada, parlamentario Italiano di grupo centro-izquierda S&D,

a bisa.

Algun pais den e bloc, incluyendo Francia y Spaña, a pone duda riba efectividad di e centronan di retorno, cual International Rescue Committee (IRC) a describi como “buraconan preto legal”.

“Nan lo ser situa pafor di teritorio di Union Europeo, unda no por garantisa cu derecho di hende ta ser respecta,” Marta Welander a bisa. Un grupo chikito di paisnan, incluyendo Dinamarca, Austria, Grecia, Alemania y Hulanda, sinembargo ta sigui

cu e plan y ta explorando opcionnan pa establece nan, segun un fuente diplomatico.

“Awor nos ta sigui riba e caminda aki cu determinacion y nos kier yega na acuerdo cu paisnan tercero pa fin di e aña aki,” Minister di Interior di Alemania, Alexander Dobrindt, a bisa.

‘Estilo ICE’

Segun partidario, e “centronan” por actua como un disuasion y desanima migrantenan pa purba yega Europa.

Criticonan, sinembargo, ta señala problema cu proyectonan similar a enfrenta.

Reino Uni a bandona un plan pa deporta migrantenan sin documento na Ruanda, mientras instalacionnan mancha pa Italia na Albania pa procesa migrantenan a enfrenta reto legal y poco uso. Paisnan miembro di Union Europeo a duna nan aprobacion na e pakete — prome presenta pa Comision Europeo aña pasa — na december.

Despues di e voto, negociacionnan cu parlamento lo concentra riba algun punto, incluyendo te unda autoridadnan por tin poder pa busca migrantenan iregular.

Un grupo di 70 organisacion di derecho humano a adverti na februari cu e reforma lo permiti “aplicacion di ley di inmigracion estilo ICE” — refiriendo na e practica fuerte usa na Merca bao di presidente Donald Trump.

Gobiernonan Europeo ta buscando un postura mas duro mientras opinion publico riba migracion ta bira mas negativo, loke a contribui na ganashi electoral di e banda ultra-derecha den Europa.

Mirando cu yegada di migrantenan a baha den 2025, enfoka na Bruselas awor ta riba mehora sistema di repatriacion, unda actualmente apenas 20 porciento di hende cu a haya orden pa sali realmente ta bolbe na nan pais di origen.

China ta urgi miembronan di WTO pa lucha contra ‘unilateralismo y proteccionismo’

(AFP)—**China a haci yamado diahuebs na paisnan reuniendo pa un reunion importante di e Organizacion Mundial di Comercio (WTO) na Cameroon pa lucha contra proteccionismo y atakenan riba e sistema di comercio multilateral cu ta enfrentando un “desafio existencial”.**

Papiando na e apertura di reunion ministerial di WTO na Yaounde, minister di Comercio di China, Wang Wentao, a urgi paisnan pa “opone hunto contra acto di unilateralismo y proteccionismo”.

Den su discurso via video, e minister a mostra cu “WTO a ser funda mas cu 30 aña pasa siguiendo e tendencia di globalisacion economico”.

“Awe, tres decada despues, cu aumento di unilateralismo y proteccionismo, orden economico y comercial internacional bao di presion, y un deficit di desaroyo cu ta sigui crece, e sistema di comercio multilateral ta enfrentando un desafio existencial sin

precedente,” el a adverti. Wang tabata entre e ministernan di comercio di tur parti di mundo participando den e reunion di e cuerpo di decision mas halto di WTO, den un contexto di fragmentacion geopolitico, aumento di proteccionismo y reorganizacion di e cadena di suministro.

E reunion na Yaounde ta marca e prome conferencia ministerial di WTO desde presidente di Merca, Donald Trump, a asumi poder atrobe aña pasa, lansando varios atake contra multilateralismo y reglanan di WTO cu tarifanan amplio y acuerdonan comercial bilateral.

“Nos mester reuni hunto y sigui e rumbo pa sostene firmemente e sistema di comercio multilateral basa riba regla cu WTO na base,” Wang a bisa.

E minister tambe a urgi paisnan pa protege e principio di “most-favoured nation” (MFN) di WTO, cu tin como meta pa extende cualkier bentaha comercial concedi na un socio na otronan tambe,



pa evita discriminacion, y cual a haya critica fuerte for di Washington.

Paisnan, el a insisti, mester “mantene trato di nacion mas faborece firmemente y otro principionan fundamental di WTO, oponiendo hunto contra unilateralismo y proteccionismo, y protege husticia y igualdad internacional.”

“Orden economico y com-

ercial internacional nunca mester bolbe pa ley di selva,” Wang a bisa.

Durante e reunion di cuatro dia, cual ta tumando luga den medio di tensionnan comercial creciente y turbulencia economico global liga cu e guerra den Medio Oriente, miembronan di WTO lo purba desaroya un plan pa reforma un organisacion cu cada biaha ta birando menos

poderoso den cara di proteccionismo creciente.

WTO, di cual su proceso di decision durante hopi tempo a keda limita pa un regla cu ta exige consenso di tur miembro, ta enfrentando yamadonan pa un reforma drastico pa por sali for di un crisis profundo cu a lanta pregunta tocante su rol central den regula comercio internacional.

EU ta acusa 4 plataforma di pornografia di laga muchanan tin acceso na contenido adulto

(AFP) - E Union Europeo a acusa 4 plataforma di pornografia diahuebs di permiti muchanan tin acceso na contenido adulto den un violacion di reglanan digital, poniendo e companianan den riesgo di ricibi boetnan pisa.

Na mesun tempo, Bruselas tambe a lansa un investigacion amplio contra snapchat pa sospechonan cu e no ta protehendo muchanan adecuadamente online.

E decision ta bini mientras presion ta aumentando globalmente contra rednan social pa garantisar muchanan su seguridad, cu un decision di Merca e siman aki cu a declara Meta y YouTube responsable pa daño causa na un hoben pa motibo di nan plataforma su diseño adicto mira como un

posible era nobo.

Tambe tin esfuersonan di expansion andando, specialmente na Britania y Francia, di obliga e websitenan di pornografia revisa e usuaronan su edad pa preveni cu muchanan por tin acceso na contenido adulto online.

E Comision Europeo a bisa cu e resultadonan preliminar a haya cu Pornhub, Stripchat, XNXX y XVideos a fracasa den e proteccion di muchanan su derecho y bienestar, cual ta un violacion di DSA, e ley tocante servicionan digital bao e investigacion cu a lansa den mei di 2026.

EU ta bisa cu menornan por a haya acceso na tur 4 plataforma via un simple click cu ta confirma cu nan tin mas di 18 aña, y a acusa e compa-



nianan di pone prioridad riba nan reputacion na luga di e muchanan su seguridad.

E comision a bisa e plata-

formanan cu nan mester implementa verificacion di edad cu ta preserva e privacidad mientras cu ta preveni muchanan di mira contenido dañino.

“Muchanan tin acceso na contenido adulto na edadnan cada biaha mas hoben y e plataformanan aki mester implementa medidanan robusto, efectivo y cu ta preserva privacidad pa mantene e menornan fuera di nan servicionan.” hefe id tecnologia di Union Europe Henna Virkkunen a bisa den un declaracion.

Si confirma cu e ta den violacion, Union Europeo por duna boet na e plataformanan di te hasta 6% di nan entrada global. Pornhub ta pertenece na Aylo y Stripchat tambe tin base di operacion na e isla Mediterraneo. XNXX y XVideos ta basa na Republica Checo.

XVideos a bisa AFP cu e union ta “pidiendonan comete suicidio por nada,” agregando cu “evaluacion di edad no lo haci nada pa preveni menornan tin acceso na contenido adulto, paso nos sa cu nan simplemente lo bay otro websitenan, menos safe cu ta completamente fuera di bista di reguladornan.”

Mientras EU a anuncia su investigacion amplio contra Snapchat, e comision a

bisa cu e ta preocupa cu e plataforma ta “exponiendo menornan na intentonan di grooming” y informacion tocante e benta di productonan ilegal manera droga. “Snapchat aparentemente a ignora cu e ley ta exige standard di seguridad halto pa tur usuario,” Virkkunen a bisa.

Snapchat tin alrededor di 97 miyon usuario activo pa luna den e Union Europeo. E compania a bisa cu su usuaronan su seguridad y bienestar ta un “prioridad top.”

“Nos a coopera completamente cu e comision te awe - participando di manera proactivo, transparente y trahando den bon fe cu DSA su standardnan di seguridad - y nos lo sigui haci esey,” un vocero di Snapchat a bisa.

EU su actonan ta bini despues cu hurado riba diaranson a haya cu Meta - e compania Mericano propietario di Facebook y Instagram - y YouTube responsable pa causa daño na un muhe hoben via e diseño adictivo di nan plataforma.

Virkkunen a yama bon bini na e veredicto, cual a duna victimanan den mas di 1 miyon caso similar pendiente un herment, bisando cu el a manda un “mensahe hopi cla” cu plataformanan mester tuma na serio e “riesgo cu nan ta posee.”

GOLDEN SOCIETY

DAILY | 5:30PM - 7:30PM

SPECIAL GOLDEN SOCIETY MENU

MARISELA & BAND
FRIDAYS | 7:30PM - 10PM

JOIA BY IBEROSTAR

ZIMA ROOFTOP BAR

FIND US ON
Instagram
@bondiaaruba

ALSO AVAILABLE ON
X f d